

中國方志叢書·華北地方·第二六三號

據

清·王穆纂修
清·康熙五十六年修光緒四年重刊本

影印

陝西 省

城固縣志



成文出版社有限公司印行



10098645

光緒四年重鐫

重鐫城固
縣誌

板藏公署

署城固縣事西鄉縣知縣雲間王穆重修
補用直隸州知州署城固縣知縣江左徐德懷重刊

序

從來作吏莫難於縣令蓋
百里之中錢穀簿書爲事
至夥雖以強幹敏達之材
奉職兢兢戴星而理猶或

日不暇給有能循分安常
苟幸無過者便可以稱循
良而膺上考求其寄興文
辭留心紀載爲地方垂久
遠之文獻者百不得一焉

至若當秦蜀交會之區往
來酬應手口卒瘁而又身
爲代庖之吏其於邑事宜
若可以視同傳舍者而乃
于從前未有之志乘搜羅

詳備校刻成書爲凋敝巖
疆大開生面則非負過人
之才力而操整暇之別趣
者不足以幾于此矣王子
靜淵以雲間名彥作令西

鄉更被檄攝理城固篆務
數年以來經營民事籌畫
軍需一切出之裕如而退
食餘閒不廢觴詠余觀其
所纂城邑新志抑何彬彬

乎妙什佳篇垂光竹素也
古云仕而優則學王子之
學如是王子之優於仕可
知矣報最

彤廷而來不次之擢余將

拭目俟之

賜進士出身翰林院檢討
欽差提督陝西通省學政
充方畧館一統志館提
調官乙酉科

欽差廣東鄉試正主考前
翰林院漢書庶吉士加
三級覺羅逢泰撰



序

國有史郡邑有志足以紀
淳澆而示勸戒始可傳信
而無疑歷城王大宗伯阮
亭先生嘗論自明及今志

郡邑者夥矣無有如康對
山王泮陂呂涇野之志武
功鄆縣高陵以爲文簡事
該訓辭爾雅有三輔黃圖
決錄遺意蓋之數公者以

秦人而志秦地得稱獨善
焉雖然必如宗伯之言苟
非其地非其人則不可以
作志歟顧著書立說亦極
難矣卽如左失之誇史失

房
之誕一兩漢失之漫衍降而
新舊唐書失之鮮實後人
之訾議如此此而欲成一
書以冀傳信而不疑是非
學之博識之高又極之耳

目所閱歷者詳且切遠且
大固不可漫焉從事也余
大江以南人也少而好遊
所歷之地近則兩浙江右
遠則燕趙齊魯楚豫及雲

中紫塞舟車所過無不流
覽山川古蹟人物土風筆
記其槩藏之篋中或遇水
亭山驛與二三良友登臨
感懷形之歌咏以抒寫性

情亦旣脫藁成帙獨未至
嶠函雲棧以爲憾事壬辰
歲謁選都門得漢屬之西
鄉因捧檄入關於山則太
華之標峙雲端也於水則

涇渭之環遶秦塞也於省
會則風土之渾厚而民物
之殷阜也望邠岐而思文
王之治過咸陽而歎祖龍
雄視一世未幾而秦之鹿

爲漢高所得何其愚也憑
弔馬嵬而有感於美人黃
土之思嗟乎古今治亂興
亡歷歷如指掌歟及入棧
層巒疊嶂靈秀甲於天下

然奇險逼仄處下視千尺
怒濤齧石石銳如鋒令人
不寒而栗立馬雞頭南望
漢中平原沃野綿亘數百
里其間土腴人良水木清

華頗似江南風景回顧羊
腸鳥道恍入武陵桃源別
一天地矣較之余治西鄉
地瘠民貧相懸奚啻霄壤
哉乙未冬同寅何君調赴

軍前余奉檄代庖城固謁
文廟廟簷傾圮余重爲修
葺加之塗堊聖翁覺改觀惟
廟前地氣不聚因就舊址
捐俸重建一坊以束之仍

惟

其額爲黌宮正路丁酉鄉
試逮得和子名惟慧李子
名倬聯魁獲雋雖其文章
福命所致而地師家則以
爲此坊所萃也先是城之



紳士以邑無志書請余纂
輯但纂輯必資文獻而縉
紳先生皆宦遊四方無從
博採况舊志係明嘉靖四
十五年邑人胡璉草創所

存不過四十餘紙其殘缺
可知及考之郡志亦略而
未備省志則更簡矣余爲
蒐羅討論始於丙申之春
至丁酉十月告成相厥川

原乃立城署故首輿地而
建置次之天視民視理有
固然故風俗之後及於災
祥蓄洩無備旱潦洊臻則
田卒汙萊維正奚供故因

食貨而繼以水利設官分
職教養斯民者也忠孝節
義興起斯民者也故官守
次之節孝又次之如是而
太史采風一邑之人文盛

衰升降係焉故終之以藝
文凡計十卷事亦分十類
得九萬餘言余雖好遊而
學識踈庸見聞淺陋豈能
如宗伯所言可與武功諸

志竝驅哉聊以應都人士
之請而略爲編次其餘挂
漏不能無望於後之君子
焉是爲序 崑

康熙五十六年歲次丁酉

十月 中澣之望日

文林郎署城固縣印知西
鄉縣事雲間王穆譔



重刊城固縣志序

邑之有志猶國之有史非徒志
山川草木城郭橋梁已也其有
關於風俗人心大矣哉余曩因
西征籌餉之役來遊樂城下車
之初卽於邑令周君煦生索觀

邑志周君曰予蒞任數月於茲
未曾一廝目焉詢諸邑之紳耆
僉謂舊板毀於兵燹久矣城鄉
鮮有藏是書者既而從學官媿
君齋中得之乃康熙末年所修
輿是役者爲王大令穆循吏也

其義簡而賅其詞樸而文所志
山川疆域闕隘津梁人物俗尙
燦若日星竊以爲由康熙至今
幾二百年其間城池廟署迭有
變遷水利農田互有損益且嘉
慶中則有教匪之亂同治初則

有髮捻之擾四鄉民團齊心堵
禦或遇賊不屈打仗陣亡或保
身成名從容殉難忠義節烈湮
沒不彰代遠年深更難稽考邑
人士何不爲續修計官斯土者
何竟漠然置之遂以勸周君周

君唯唯而卒未之行也去冬余
奉檄權是邑篆適邑之耆宿史
君夢軒爲先大夫甲午同年舊
與交欽其爲人經濟文章爲當
世重宦遊於外甫賦歸來余接
見之餘欣然曰先生歸來當爲


地方維風化正人心邑志其大
端也越數日出是書授余余以
續修之舉請于先生先生曰事
關重大鄉黨不易爲也而余之
志已決雖在署篆願發其端必
有嗣輯而成之者遂遍徵邑之

紳衿者舊分道採訪寬以時日
冀其周詳先將舊志付之剗劔
以存其舊方慮籌欸之維艱集
事之非易乃得邑紳盧君覲光
羅君彥芳盧君爾傑王君熾昌
李君根生籌經費以董其事其

庚
餘監工程司校對則有李子泗
章呂子嗣望甯子福元鄭子煥
羅子聯甲皆書院肄業諸生爲
院長孝廉熊君遇周所提倡以
其襄盛事不兩月而舊志刊成
余適卸篆新志之續修則以俟

諸後之君子云尔是爲序

光緒四年歲次戊寅夏六月上
澣朝議大夫鹽運司運同銜
陝西補用直隸州知州署漢
中府城固縣事江左徐德懷
筱溪甫謹撰



五

城固縣誌序

丁丑之夏以散館改官縣令需
次都門因請益於大司寇桑百
儕師師曰爲令之本正人心厚
風俗使民知遷善慕義相戒而
不敢爲非兢兢於聽斷獄訟綜

理簿書其末也會謁選得城固
令城固於漢爲樂城舊隸蜀余
固蜀人得之心竊喜謂風土人
情當不少異洎戊寅夏捧檄視
事數月以來日坐堂皇決庶獄
幾至刻無暇晷乃嘆爲吏之勞

如此因思古賢鳴琴坐嘯境內
稱治果操何術而暇逸如彼輒
不禁反覆於吾師人心風俗之
說之爲不可移易也師以翰苑
出爲郡守擢監司升臬使外任
最久於察吏安民之道究之最

悉故言之親切而有味也余不
敏敢不勉哉夫人心之患莫大
於不知義不知義則父子兄弟
皆成秦越何有於井里儕輩於
此而欲勵末俗挽頽風其何道
之從此前令徐君所以汲汲於

縣志之刻也徐君江左名士學
道愛人惜其蒞任未久未克藏
事茲邑紳羅君彥芳盧君觀光
王君熾昌以剗劂工竣丐言於
余余維邑之有志山川名勝農
田水利罔不具載而尤莫切於

表彰忠孝闡揚節義俾人人知
所觀感興起庶幾日新月異寢
爲風俗舉一切詬誶囂凌之習
機械變詐之端自赧然若撻諸
市朝夫何待長民者日事訊鞫
唇焦舌敝甚且操鞭笞以臨之

始足以平其爭而息其喙哉雖
然舊志成於康熙丁酉迄今又
近二百年矣其間地方沿革風
氣變遷與夫奇人傑士巍科顯
宦其志行動績足以垂竹帛光
宇宙者致不乏人而蒐羅考訂

不又地方司牧與賢士大夫之
責哉是爲序

光緒戊寅嘉平月祀竈日

賜進士出身前翰林院庶吉
士同知銜城固縣知縣蜀東
胡瀛濤謹撰




湖北候補分縣候
盧爾傑

生員王熾昌

經理紳士舉人羅彥芳

提舉銜候選按經歷
盧覲光

生員李根生



蘇
氏
學
堂
PDG

城固縣志目錄

卷一 輿地

卷二 建置

卷三 食貨

卷四 水利

卷五 官守

卷六 人物

卷七 節孝

卷八 詩歌

卷九

藝文

卷十

藝文

城固縣志目錄終

城固縣志卷之一

署城固縣事西鄉縣知縣雲間王穆重修

輿地第一

補用直隸州知州署城固縣知縣江左徐德懷重刊

星野

舊志云按鄭志以井鬼屬雍州以翼軫屬荊州夫漢中當雍梁之域而城固距府七十里則星鬼井之分矣然漢於荊楚爲密邇而城固僅隔一州境則星分翼軫亦自有據

沿革

春秋戰國爲楚地秦爲城固縣漢爲漢陽俱屬漢中
郡三國漢建興七年丞相亮築樂城於城固改爲樂
城縣晉復爲城固宋齊梁魏皆因之隋屬梁州唐武
德二年析置白雲縣九年省復爲城固宋元明及
本朝因之

形勝

前瞰巴山後據秦嶺漢江壻水合流雙乳五峯並峙
疆域

廣五十五里袤三百里

東十里至漢王城交洋縣界係大道可通車騎東南
離城三里至孫家渡口七里至響灘溝口係平路由
此入山四十里至五堵門交西鄉縣界係徑路止可
人行

東北離城十里至壻水河又十里至常家溝由此入
山四十里至關王廟河交洋縣界止可人行

西大道至磨石橋又前五里至沙河二十里至柳林
鋪三十里至新舖交南鄭縣界可通車騎

西南離城過陰平渡口三十里至五郎口平路由此

入山一百一十里至賈峪關險路共一百四十里交南鄭縣西鄉縣界止可人行

西北離城十五里至文川河三十里至彌勒院平路交南鄭縣界止可人行又城西北文川河從太白山發源三十里至楊家關南流至沙河營離城二十里通漢中共六十里水路

正南八里自漢水白巖渡至堰溝口平路由此入山六十二里至楊關兒溝險路交西鄉縣界止可人行又南漢水東至漢王城兩河口西至安家渡共五十

里水路

正北城無門由壻水河長柳渡口至慶山昇仙口三十里平路由此入山一百二十里至北溪里險路東交洋縣北交鳳縣西交褒城縣界止可人行又城北壻水河從西北太白山發源至慶山楊家灘水路二百一十里

里編二十有四

樂城里

原公里

陰平里 今廢

大安里

安太里

昇仙里

蘇村里

懷仁里

重化里

永和里

安定里

豐樂里

安遠里

新化里

忻安里

遵道里

樂清里

新寧里

懷惠里
今廢

通濟里

遵賢里

樂善里

文川里

太平里
新增

里有十甲每甲小里一人花戶多少不等小里輪
遞催管本甲

景有八

斗山石鼓

蕙院木龍

虛閣曉鐘

襄源晚渡

南樂耕雲

古城牧雨

荷浦新煙

天臺積雪

山川

天池山南三十里頂有池四時不涸

老君山南十里上有白鶴觀

通關山北三十里蕭相國修此道以通關中

五峯山北四十里羣峯環列如屏

風高山北四十里土有風洞怒吼不息壓以大石旋

吹而起

九真山北五十里道家謂太白山六百與三嶼接上
開九真玉井者此也

馬盤山北一百里形如卧馬坡陀縈紆二十餘里內
有清溪三道

珍珠山北五十里重巒疊拱纍纍如貫珠縣脉之所
由來也

雙乳山東南六十里兩山並峙如乳

寶山東北一十里地連牛蹄山壻水遶其南上有寺

曰蕙香院

牛蹄山東北三十里上有張子房祠址

白雲山東北三十里東有神崖山南有駱駝巷西連
牛蹄山北接龍泉山多產藥物子房辟穀於此真
幽境也

龍王山西南五里上有龍王廟

少年山西南四十里與土主廟相接西枕沙河通西
鄉通江芮邑相傳彭祖祈壽於此

石壽山西北一十里

浮遊山西北三十里一日東浮遊一日西浮遊以山脈無定故名以其形似卧牛亦曰伏牛

獅子山西北四十里

天臺山西北九十里其西南則屬南鄭也

斗山西北二十里與三嵎山對峙東南一峯竦起形如斗杓壻水北來東出有五門堰土有竇真君昇仙觀後有三石洞道經云山有五穴通崑崙武光或作武當青城長安隴山穴有肉芝郎千歲蝦蟇也得而食之壽莫與京後有蟾宮吸月亭

慶山去斗山五里上有烽堠古基西南三里卽赤土坡孔明屯軍拒魏處

桃林山北四十里上有大土石像儼然於崖壁間林影不能蔽也

聽山西九十里聽水出焉相傳唐公昉仙去壻惟聞空中歌樂之聲故名聽也

三嵎山西北四十里三峯鼎立高可萬仞

深背嶺西北三十三里

亭子嶺西北四十五里

圪兜坡南三十里

蓮花池有二一東三里約十畝產蓮最盛係公用民不得私取一南十里

壻水河東北六里源自太白山來經縣北東入漢江因神仙唐公昉盡室昇天其壻不與投於水中故名壻水

漢江南四里源自嶓嶷山出西流經治東入洋縣界九龍池西南一十五里俗傳有老翁見池畔九蟒盤繞呼衆不見惟翁見之後人神其處故名

鴨兒池西南三十里池中泥深鷺鳧多集故名

南沙河西南三十五里源自巴山北流入漢江

小沙河南十里源自巴山北流入漢江

北水河西一十五里源自太白山來南流經縣入漢江

文水西北四十里又名文川兩水相合灣環而流有似元字狀故名昔梁州刺史范柏年至京師奏事見明帝帝問廣州有貪泉鄉州亦有此泉否對曰梁州惟有文川武鄉廉泉遜水又問鄉居何處對

曰臣所居在廉遜之間帝美其對

五門潭西北二十里淵深莫測

雙溪河北二百七十里

石槽河北三百里

呼雷潭北四十里水聲若雷故名又名桃溪洞

玉谷水西北二十五里漢水自魏興泝流一百八十

里至玉谷溪口

黑水西北五里源自太白山南流入漢江禹貢華陽

黑水惟梁州漢諸葛亮箋云朝發南鄭暮宿黑水

清溪北二十里南流入壻水河又上清溪申清溪下
清溪俱北一百里南流合入壻水河見舊志

九十畝塘西南三十里約九十畝故名又云九聖母
塘

魚洞北五十里每逢穀雨魚自洞出

白龍洞西北一百二十里其山高峻洞水潔白

建置第二

城池

城高三丈六尺厚二丈四尺東西相距三百餘步南

城司縣志

卷之二

北相距七百九十餘步周圍七里一十步分門有四
各建層樓東曰永和南曰通濟西曰安遠北曰新寧
廢今嘉靖六年間知縣劉振新開東西二小門

城外池濶二丈深一丈五尺城內馬道五尺正德七
年漢中府通判周盛修

公署

縣治在城之北舊在西十八里宋咸寧二年縣尉柴
炳移建今所元末廢壞明洪武三年十二月縣丞劉
翮重建周圍崇垣爲月城約一里一分中爲牧愛堂

堂後有二堂後堂左錢帛庫鑾駕庫右贊政廳前甬
旁司房又前爲御箴亭儀門甬角門大門爲鼓樓儀
門西爲獄令署在堂之後 本朝康熙十年令毛際
可重修二十二年令徐永祚擴而修之二十四年令
胡一俊更擴展縣丞廨自明崇禎二年裁後其廨在
右並入令宅典史廨在堂西南隅

申明旌善二亭今俱無

行署察院一在城隍廟西街

關南道一在察院後一在城隍廟後今廢

七
府署在察院後久廢

稅課司在南二里自洪武十八年八月設久廢

陰陽學醫學今無

僧會司向在薰香院今在治南一里嚴因寺

道會司向在奉真觀後在治西南一里集靈觀今在
城隍廟

預備倉在治西北隅向有際留倉在治南豐樂倉在
學西五十步俱廢

社學在察院後明嘉靖八年令經希汲置今無

勸農亭在演武坊左明嘉靖二十六年令范時修建
今廢

演武亭東郊二里教場中

射圃在交廟東嘉靖四十五年令楊守正築建層臺
爲射圃立觀德亭今爲文昌祠

教場在東門北里許

養濟院在縣東南

滷澤園一在東門外嘉靖二十七年生員廉汝爲捨
有碑一在北門外亦嘉靖二十七年街民胡義捨

儒學教諭訓導兩署俱廢賃民房而居

關隘

南木槽南三十里東距圪坨坡南接天池山北近漢
江西遶沙河通西鄉縣界

北木槽西北三十五里山高關險東流深背嶺南接
浮遊山西繞獅子山北距亭子嶺通文川河接連雲
棧道二關今俱廢

津梁

豐樂橋在儒學之西上有觀音閣嘉靖四十二年燬

於火

折桂橋向在櫺星前五十步上有折桂亭已圯嘉靖間令楊守正改北五步又圯

甌橋西南一里

薛公橋西北二十五里宋紹興間令薛可光開渠灌田民懷其惠

二橋東南二里

三橋西南二里

段橋大東門義民段友海建

張橋大西門義民張成建

磨石橋西十里

望仙橋斗山前

葉家橋西八里邑紳葉孕秀建

袁楊橋西北十五里

沙河橋西南十五里

十里橋西十里

十石橋西南二里

洪溝橋西四十五里久廢

柳渡南四里

白崖渡西南四里

陰平渡西南十五里

大安渡西三十里

孫家渡東南四里

丁家村渡北八里

蘇邨渡東五里

留村渡北五里

前五渡俱漢水
後五渡俱塔水

舖舍

總舖在社學後

青石舖在城西一十五里

鶴鳴舖在城西三十五里

長流舖西四十五里抵南鄭縣界在縣額設遞馬止
一十一匹此係舊界明嘉靖四十五年知縣楊守正
因分程不均申請道府行南鄭縣議同裁革帖仰二
縣改立鶴鳴舖爲界迎送各三十五里官民兩便勞
逸適均而經久可行矣

跋堰

楊填堰縣北一十五里出堦水河宋開國侯楊從義於河內填成此堰故名城固田在上水用水三分洋縣田在中下用水七分此舊志所載之定例不可移易者也其修堰分工疏挑渠道亦照用水三七例攤派各挑各渠無容爭辯 本朝康熙二十六年天旱不循三七之例水無下流洋田之在下名爲盡水者如白洋灣如智果寺如謝村橋等處盡失栽插顆粒無收控訴不已郡侯滕公天綬郡司馬梁公文煊單騎親踏隨檄洋令謝景安城固令胡一俊會勘至三

覆訊定案申詳漢興道金公立碑照舊例用水分工
修堰澹渠至栽插用水飭行上流不得邀截永爲定
例

五門堰西北二十五里出壻水河元至正間縣令蒲
庸以修築不堅改創石渠一道與壻水相望而下抵
斗山北麓上抱石嘴半中築堤過水碧潭去此上流
橫溝五門恐水或溢約棄入溝用保是堤因曰五門
堰也灌田四萬八百四十餘畝動磨七十每歲首凡
一舉修竹木四萬九百有奇夫六百七十五人明宏

治間推官郝晟重開 本朝康熙十一年令毛際可
查久淤古渠侵占在民者仍照舊寬濶挑濬水大通
行二十五年堤崩令胡一俊申請上司親督修築較
前益堅

百丈堰縣西北三十里橫截壻水濶有百丈故名
高堰縣西北三十里出壻水河

盤蛇堰縣西南四十里出南沙河

橫渠堰縣西三十五里出北沙河

鄒公堰縣西北四十里出北沙河

承沙堰縣南十里出小沙河

倒柳堰縣西南二十五里

西小堰縣西北四十里

上官堰縣西二十里

棗兒堰縣西北三十里

周公堰

沙平堰

東流堰

坪沙堰

西流堰

鷺兒堰縣東北十里寶山之麓相傳寶山寺柱木化鵝戲水堰崩故名

流沙堰縣西南四十里

學宮

先師廟舊稱大成殿在縣治東

儒學宋崇寧二年改昔在巽方者建於東之南廣九十步袤一百二十步中爲大成殿前列兩廡前戟門外各宦鄉賢二祠中爲泮池又外東禮門西義路其

南向係民居明嘉靖初以生員夏正請開道通大東街從之立黌宮正路坊廟之西爲舊學巷口有學舍十一間碑載本府儀門嘉靖四十五年令楊守正力爲整飭萬曆癸酉乙酉令喬起鳳劉克義相繼修理後遭寇圮毀 本朝康熙戊辰令胡一俊經營完美康熙丙申署令王穆復建

啟聖祠在文廟北明嘉靖中奉旨新建四十三年令楊永茂以其逼仄改移三十步工未竟次年令楊守正成之增祭器房六間於祠前之左右

尊經閣向在文廟後久廢明萬曆中邑紳趙名弼重修又廢本朝順治六年推官衣璟如署事重修康熙二十四年學宮門燬縣令胡一俊修葺文廟棧板悉易以甃朽敗得堅固矣

明倫堂三間在文廟西

祀典

先師稱大成至聖文宣王四配十哲兩廡諸賢皆稱公侯各有塑像明洪武三年禮部更定祭器禮物謂塑像始於異教非所以追崇至聖十四年首建太學

勅天下學宮易塑像設木主十七年勅每月朔望郡
縣長以下詣學宮行香嘉靖九年釐正祀典始去爵
號稱至聖先師孔子四配稱復聖顏子宗聖曾子述
聖子思子亞聖孟子

十哲

東祀先賢

閔子

損

冉子

雍

端木子

賜

仲子

由

卜子

商

西祀先賢

冉子耕

宰子予

冉子求

言子偃

顓孫子師

朱子熹康熙間升入

東廡祀先賢

澹臺子滅明字子羽

原子憲字子思

南宮子适

商子瞿

漆雕子開

樊子須字子遲

公西子赤字子華

梁子鱣

冉子孺字子魚

伯子虔字子楷

冉子季字子產

漆雕子哆

漆雕子徒

商子澤字子秀

任子不齊字子選

公子良

奚子容

顏子祖

句子井疆字子疆

秦子商字不慈

公祖子句茲字子之

縣子成

燕子伋字子思

顏子之僕字子叔

樂子蒧

邽子翼

公西子輿如

公西子蒧

陳子亢字

琴子字子開一字張

步子叔欒字子車

西廡祀先賢

宓子不齊字子賤

公冶子長

公哲子哀

高子柴字子羔

司馬子耕

宥子若字子有

巫馬子施

顏子辛字子柳

曹子卹

公孫子龍

秦子祖字子南

顏子高

壤子駟赤字子從

石子

公子夏首

后子處

公子肩定

鄒子單

罕父子黑字子黑

榮子旂

左人子鄆

鄭子國

原子亢

廉子潔字子曹

叔仲子曾

狄子黑字 哲之

孔子忠

施子之常字 子常

秦子非

申子楨

顏子曾字 子聲

已上皆稱先賢某子

按家語史記姓氏各有不同

東廡祀先儒

左子丘明

穀梁子赤

高堂子生字 伯漢

毛子萇

杜子子春

王子通字 仲淹

歐陽子修字 永叔

周子敦頤字 茂叔

程子頤字 正叔

邵子雍字 堯夫

司馬子光字 君實

胡子安國字 康侯

李子侗字 愿

呂子祖謙字 伯恭

張子拭字 敬夫

真子德秀字 景元

薛子瑄字 德温

胡子居仁字 叔心

西廡祀先儒

公羊子

高

伏子

勝字賤

孔子

安國字子國

董子

舒仲

后子

蒼字近君

韓子

愈字退之

胡子

瑗字翼之

程子

顥字伯淳

范子

仲淹字希文 康熙間增

張子

載字子厚

楊子

時字中立

羅子

從彥字仲素

陸子

九淵字子靜

蔡子

沉字仲默

許子

衡字仲平

陳子

獻章字公甫

王子

守仁字伯安

已上皆稱先儒某子

俱春秋仲月上丁日祭

祝文

維師德配天地道貫古今刪述六經垂憲萬世今茲

仲春秋謹以牲帛醴粢盛庶品式陳明薦以復聖顏
子宗聖魯子述聖子思子亞聖孟子配尙饗

先師祭品

香

燭

帛

篚一

酒

爵三

太羹

登一

和羹

鉶二

黍

簋二

稻粱

簋二

籩

形監棗

棗

藁魚

栗

鹿脯

芡

菱

豆

非菹醢醢

鹿醢

善菹

兔醢

筍菹

魚醢

芹菹

羊

豕

四配祭品

香

燭

帛
四篚

酒
三爵

太羹

一登

和羹
二形鱠

黍
一籃

稷
一籃

邊

六

棗
形鱠

藁魚
一

鹿脯
一

豆

六

菁菹
鹿醢

筍菹
兔醢

芹菹
魚醢

羊

豕

東哲五位共一壇祭品
西

香

燭

帛
每壇一篚

酒
五爵

和羹
一

黍

稷

邊
四

形鹽
棗

鹿脯
一

豆
四

菁菹
芹菹

兕
鹿
醢

豕
五
體

東廡四位共一壇

香

燭

帛

酒
四

黍
一
簋

稷
一
簋

籩
二

形
鹿脯
盞

豆
二

菁菹
鹿醢

豕
四
體

樂器

麾幡一以絳繪爲之長七尺濶一尺一寸上板繪雲

下板繪山以相連首尾前面繪升龍後面繪降龍

各塗以金及五彩色雲朱竿長八尺五寸末施銅

龍首塗金脚其麾下垂樂中麾生執之升龍向外
降龍向內舉之則升龍見樂作偃之則降龍見樂
止

應鼓一革之爲器去故意也爲羣音首其卦坎其方
北其時冬其風廣莫其律黃鐘其聲一其音謹冬
至之氣也每奏樂一句以槌擊者三則節奏從容
矣

鼗鼓其制如鼓司此者掛於項上兩手拊之以應鼓
節樂

笛其節直而有制其心虛而能通而利制之音所由出也其卦震其方東其時春其聲尙議其律姑洗其風明庶其音濫春分之氣也

簫六截竹爲之吹者宜緩取其音斯悠揚不迫

搏拊二鼓中實糠擊以節樂

祝一敵一所以合樂止樂之器祝之狀如漆桶中有槌柄連底撞之擊以起樂敵之狀如伏虎背刻二十七齟齬木戛之而成聲所以止樂也

編磬一十六枚八音而倍之也其卦乾其時秋冬之

交其方西北之維其風不周其聲尙角其音辨立
冬之氣也以堅木爲槌竹爲柄司磬者凡擊則先
擊鐘以宣一字之音旣闕則擊磬以收之所謂金
聲而玉振之也

編鐘一十六枚八音而倍之也金生於土而別於土
其卦兌其方西其時秋其風闐闐其聲尙羽其音
鏗立秋之氣也堅木槌竹柄司鐘者擊之則有六
律六呂以應十二月之候又有清聲以配之

笙六其母用匏匏性輕浮中虛而通植管窺中象植

物之生故名曰笙大者十九簧小者十三簧又曰
巢笙者衆管在匏象巢也

排簫二又曰鳳簫大者二十四管無底小者十六管
有底狀如鳳翅其音鳳聲

琴六瑟二以絲飾物而成聲其卦離其方南其時夏
其聲尚宮其律蕤賓其風景其音哀夏至之氣也
箎二以竹爲之橫而左吹此樂聲大宜輕用氣吹之
其聲乃和以合衆樂

塤二以土爲質以水火相合而成器故具水土之

三形中虛上銳火之形也平底水之形也圓體土之形也

佾舞

自唐樂用宮縣舞用六佾明初用六佾成化十三年以禮部尙書周洪謨請增爲八佾嘉靖九年議仍用六佾

引節東西各一以紅絨爲之纓上加塗金銅雲龍於上數九長七尺以紅絨繫之下綴以結竿長八尺五寸朱髻末施塗金龍首啣其節二人執立於東

西兩階以導舞

翟三十六以木爲之柄長一尺四寸朱髹柄端刻龍首長五寸塗以金彩每翟用雉尾三根挿於口中舞生右手執之以舞

籥三十六以竹爲之長一尺四寸三竅朱飾舞生左手執之以舞

雅樂舞生按舊志舞佾有定制東西兩階如東階舞生面西則西階舞生面東西階舞生面東則東階舞生面西又如東階舞生左手左足舞蹈則西階

舞生右手右足舞蹈其向背低昂周旋俯仰亦皆成偶

歌章

迎神樂奏咸和之曲

無舞

大哉宣聖道德尊崇維持王化斯民是宗典祀有常精純並隆神其來格於昭聖容

初獻樂奏寧和之曲

有舞

自生民來誰底其盛惟王神明度越前聖粢帛具成禮容斯稱黍稷非馨惟神之聽

大哉聖王實天生德作樂以崇時祀無斃清酌惟馨
嘉牲孔碩薦羞神明庶幾昭格

亞獻樂奏安和之曲

有舞

百王宗師生民物軌瞻之洋洋神其凝止酌彼金盞
惟清且旨登獻惟三於寧成禮

終獻樂與亞獻同樂奏景和之曲

有舞

撤饌樂奏咸和之曲

無舞

犧象在前豆籩在列以享以薦旣芬旣潔禮成樂備
人和神悅祭則受福率遵無越

送神調同
前

有嚴學宮四方來崇恪恭祀事威儀離離歆茲惟馨
神馭還復明禋斯畢咸膺百福

望瘞與送神同

先師生於魯襄公二十二年庚戌十月二十七日卽

八月二日庚子甲申時歿於魯哀公十六年四月己

丑年七十三歲葬魯城北泗上

先師四十一表

反首

注面

月角

日準

手握天文

足履度字

度或作王

坐如龍蹲

立如鳳峙

望之如仆

就之如升

耳垂

珠庭

龜脊

龍形

虎掌

胼脅

參膺

河目

海口

山臍

林背

翼臂

斗名

窪頭

隆鼻

阜廣

堤脊

地足

雷聲

澤腹

輔喉

駢齒

脊十二采

目二十四理

頂似唐堯

額似虞舜

項類臯陶

肩類子產

自腰以下不及禹

者三寸

曾文曰制作定世符

啟聖公祠在文廟東北嘉靖九年詔天下並祀啟聖

公叔梁紇舊王爵今稱公以先賢顏無繇曾點孔

鯉孟氏配享先儒宋程珦朱松蔡元定周輔成從

祀春秋仲月上丁先

先師舉行

祝文

維公誕生至聖爲萬世王者之師功德顯著今茲仲
秋謹以牲帛醴蒸粢盛庶品式陳明薦以先賢顏氏
曾氏孔氏孟氏配尚饗

啟聖公祭品

香

燭

帛篚一

酒爵三

和羹鉶二

黍稷簠二

稻粱簋二

籩實八

豆實八

羊一

豕一

四配祭品

坊邑果元

三月二

三月

香

燭

帛各一
籠

酒各三
爵

和羹

二

簋簋

每位
各一

邊實
四

豆實
四

豕首

二
豕肉
四

此文廟春秋兩丁祭儀定式也城固不能具備矣

文昌祠向在文廟東嘉靖四十五年令楊守正移西

南十五步萬曆乙酉冬令劉克義重建 本朝康

熙十年邑紳李可喬捐修獻殿

魁星樓向在文廟東南隅明崇禎六年令梁州傑移

建東城上

名宦祠在文廟東祀宋邑令薛可先元邑令蒲庸明
邑令喬起鳳高登明楊守正司五教教諭竇汝器
鄉賢祠在文廟西祀漢校尉鄧先博望侯張騫明御
史党傑交河令党中疇

三公祠在大西門內祀明原傑藍璋邊億

社稷壇向在北郭明嘉靖四十三年令楊永茂改建

西郊

風雲雷雨山川壇向在南郊明嘉靖四十三年令楊

永茂改建東郭

厲壇在北郊

城隍廟在縣治南明洪武六年令達胡英建

土地祠在鄧侯祠右今改建縣二門內

城固縣志卷之一終

城固縣志卷之二

署城固縣事西鄉縣知縣雲間王穆重修

建置

補用直隸州知州署城固縣知縣江左徐德懷重刊

寺觀

嚴因寺縣治南卽僧會司

邯鄲寺東三里

七星寺西一十里 本朝康熙三十三年重建

東高寺西二十里創自唐朝在豐樂里

西高寺西二十里明景泰元年建在豐樂里

太安寺西二十五里唐昭宗大順元年重建 本朝

康熙四十六年復建在南樂堡

香水寺西南一十里

梁泉寺西南三十里萬曆七年建在唐家營

嵩山寺西南三十五里唐時建在口頭營

稗潼寺西十五里在斗山前灣崇禎七年重建

青龍寺北二十里

泉水寺南十五里

雞鳴寺南六十里

法隆寺南十里在秦家壩

虛閣寺在法隆寺之上

晉恩寺西五里卽藏經殿明萬曆元年建在杜家營
蕙香院在寶山唐開禧時建或云子房辟穀處

新馬院北二十里明萬曆間建在東原公

楊侯院西北四十五里

廣利院西二十里順治二年重建在斗山後灣

杜陽院北三十里明弘治九年建康熙中邑令胡一

俊重修在昇仙口

高墳院西北三十里明宏治間建在文川里

經邑院西十八里

黃村院西北三十五里

上道院西十五里

禪定院北三十五里

崇法院北四十里

明惠院南八里

明珠院南五十里

妙巖院北四十里

龍嘴菴西十五里邑令胡一俊新建

石堰菴東北六十里

鐵佛菴西三十里

萬壽菴西南三十里明正德間散官汪甫買地拓修善積院南五十里善人龍雨建

原公寺西北二十里乾福六年重建在原公村

慶山寺小西門外二十里萬曆間重建在西原公

安樂堂西北十五里創自唐時

龍頭寺離城二十里唐大順二年建

龍門寺西四十里萬曆十三年建在水槽口

天真院離城三十里駱駝山

陰平寺西二十五里永樂中建在太平村

蓮華寺西三十里南樂村創自明朝

清涼院西三十里南樂村萬曆元年建

下元寺西二十五里南樂堡唐開禧元年建

鳳池寺西三十里南樂堡嘉靖三十三年建

柳渡寺南二十里白路坡正德七年建

關帝廟東一里六舖萬曆間建

萬福菴北一里崇禎元年建

望仙菴西三里望仙營

杜家寺西十里杜家營嘉靖四十年建

何家堂離城一里在七舖 本朝順治二年建

饒家菴離城十里在石虎頭 本朝康熙二年建

集靈觀治西一里

五祖廟治西四舖康熙四十一年重修

四郎廟在四舖天啟六年修

東嶽廟治西一里七鋪萬曆四十年重修

火星廟小西門外二里

冲虛觀西北三十里

洞天觀西北三十里廢

鄧都廟西北二十里隆慶元年建

奉真宮在斗山唐竇真人得道處成化二十年建

天慶觀北三十里嘉靖二十年建

唐仙觀西北三十里王莽居攝二年名靈壽宮因唐

公昉昇仙改今名康熙四十三年重修

扁鵲觀西北五十里文川口

文昌廟西三十里順治十年修

行祠廟西三十里崇禎十五年修

上元觀西二十里隆慶間修

朝天觀西北五十里萬曆四十年修

三鶴觀西二十里洪治十五年建

子房廟東一里

五郎廟西四十里萬曆四年建

上園觀西南三十里

園玩平聲圓也
圭角泝鑠也

白鶴觀在老君山唐僖宗幸漢南見白鶴翔舞其上
因建是觀

玉皇觀東北一十五里

狐鬼廟治南十字街中

黃帝廟西南二十里祀黃帝軒轅氏

伍子胥廟縣北百丈堰創於元至正元年明洪武十
四年重修天順間復修碑記剝落

漢王廟東十里漢高帝初封於此故祀之

項羽廟東南十五里元至正十五年建

漢義勇武安王廟大東門洪武八年建嘉靖四十四年令楊守正重修有記

楊四將軍廟縣北一十五里祀宋總管楊從義也紹興從事郎袁渤記見興元集按記將軍名從義字子和鳳翔天興人靖康丙午應原州之募從忠烈吳公玠屢功晉秩賜爵安康郡開國侯食邑一千七百戶年踰七十丐歸田里吳公以公精力未衰止聽解兵職辟知龍門再改文州及吳公移鎮漢中仍辟公復洋州公銳意求退上章力請歸休乾

道二年丁巳元月授提舉台州崇道觀介梁洋間
君焉享年七十有八甲申舉公之喪葬於城固縣
安樂鄉水北村公軍旅之暇採撫諸史兵家實效
釐爲三十卷目之曰兵要漢中守張行成太學博
士李石爲之序其書行於世

蕭公祠在牧愛堂側祀漢蕭相國何

蒲尹祠斗山之麓元至正間鄉民建祀邑令蒲庸

通慧王廟大東門

家佛堂又名集慶菴西十里葉家堡南萬厯初年建

古蹟

扁鵲城西南四十里相傳扁鵲曾居此郡國志云城下有泉天旱以羊投之卽雨

北城縣東八里漢時城固縣也其南有城相對曰南城漢中郎將劉豐之所築也

壻鄉東北六里一名智鄉唐公昉昇仙之日知其壻未還不獲同上雲路約以此川爲居永無繁霜蛟虎之患故名

張良辟穀處東北三十里白雲山唐武德三年置白

雲縣東有神崖山南有駱駝巷西連牛蹄嶺北接龍泉山多產藥材

通關勢高百餘丈上有城方五里濬塹三重漢高北定三秦蕭相國獨守漢中欲修北道以通關中故名

樊噲臺北十三里上容百餘人云噲所築

長柳村在長柳渡漢太尉李固墓碑尙存其文剝蝕不可讀

黃沙屯在黃沙水側諸葛武侯之所開也

韓信臺城東五里淮陰侯築

赤土坡在城西三十五里慶山之頂尙有烽堠故跡
西南三里卽赤土坡城周十五里土色俱赤武侯
屯軍於此

樂城故縣西十八里蜀漢建興七年武侯所築今爲
平地

蟾宮吸月亭在斗山後時右白氣亘天土人多見之
明孝廉方策偕友讀書斗山寺一日偶步山麓忽
見重門洞開視其額有蟾宮吸月亭字遂入有一

女子以茗飲之方謂如此清異之處當與友共遊
置茗於几急出呼友至則已迷此仙境耶不容俗
類溷耶抑妖魅幻化耶不可得而測也

石峽在斗山後怪石嵯峨阻遏水道元邑令蒲唐始
鑿石爲渠遇旱水終不能遠引明洪治中郡司理
郝公晟攝縣事積薪燒之石皆融潰遂豁然成峽
深幾二丈廣倍之由是得通五門堰水五萬民田
賴以灌溉後喬令起鳳高令登明相繼疏葺至今
皆享其利也

石虎西八里地有二石形如卧虎列於張騫墓前水深數尺不沒

石鼓斗山後河水衝之其聲如鼓

石堰北六十里壻水之上石堤橫截河流狀如馬齒斗山松計四百六十二株皆合抱叅天狀若虬龍

媯墟西北二十里相傳舜之居也按媯在河中府河東縣出歷山入河堯典之註甚明不得譌矣劉禹錫驛路記媯墟有雙井一苦一甜

古胡城西四十里久廢詳軼事

陵墓

漢

丞相蕭何墓西北二里杜家漕

舞陽侯樊噲墓西北十里黃家村

博望侯張騫墓西八里

太尉李固墓按固被梁冀害弟子董班抱屍泣經旬
不去帝義之許穉歛還墓漢中在縣西三十里有
石表云漢忠臣太尉李公神道

明

副都御史張鳳翮墓南十里杜家山

副使羅國華墓東北二十里白雲山左

御史党傑墓西北二十里常家溝

主事党中疇墓常家溝

副使謝宸墓東六里蔡家壩

按察司廉第墓常家溝

叅議李必達墓東五里上蘇村

御史田起鳳墓北五里栗子園

本朝

都御史趙京仕墓北二里邯鄲村

督學道李可喬墓常家溝

坊市

牧愛坊縣治前

尊崇聖道坊學巷東

樂育英材坊學巷西萬厯間劉克義建今廢

黌宮正路坊新街口嘉靖初年從生員夏正等請開
文廟神道也四十四年知縣楊守正修砌寬濶植
柳兩旁建坊久廢舊有文明坊在學之東亦廢康

熙五十六年署縣事西鄉縣知縣王穆捐俸重建
兩坊合而爲一南向額贊宮正路北向額文明

旌節坊三舖爲都御史張鳳翮母周氏建

學院坊三舖 演武坊東郭

分界坊三里嘉靖中令任堪建有城洋分界牌

巡撫鄂公德政坊大西門外康熙四十九年六月士
民建

德政坊康熙五十三年四月士民爲邑令何震建

貞女坊大西門外爲王氏建

借旼坊康熙五十八年闔邑士民爲署篆西鄉令王

穆建

儒學前大集 周公堡大集離城二十里

鄉村

留村

邯鄲村

上蘇村

已上東

下蘇村

蔡家埧

黃渡村

門外
卽鴻溝

杏花村

車家村

真川埧

丘灣

窰家灣

廖家灣

陰平鎮

關王寨

皮匠營

江西營

沙河營

大營

小營

桃花店

石虎頭

已上西門外

鴈灣

胡家灣

坡樹營

湖廣營

孫家坪

五堵門

官庄

五郎口

盤壩

席家壩

已上南門外

鶴鳴村

卽方家營

丁家村

原公鎮

袁揚鎮

斗山灣

文川口

昇仙口

胡家沈

栗子園

已上北門外

軼事

古瓠城張騫使西域與瓠妻堂邑父俱還漢中築城而居此

石穴前門水經注杜陽有仙人宮石穴是宮之前門也故號其川爲門川水爲門水

茯苓仙在斗山傳云昔有張氏素好善婦於山下汲水遇一嬰兒數乞乳一日歸遲夫怪而問之婦具以告夫命婦以絲紉針再乞乳則繫之婦如言以針刺兒背隨其絲至大松樹下掘之得茯苓大如斗取歸

烹食俄而雲霧舉家成仙

項氏伯水經注壻水東迳七女冢夾水羅布如七星
高十餘丈周圍數畝元嘉六年大水破墳出銅不可
勝計得甄刻項氏伯無子七女造槨

銅鐘十二枚晉義熙十五年城上密雲細雨五色昭
章忽水涯聲若雷鳴及岸崩遂出銅鐘十二枚刺史
索邈奉送至洛陽歸之宋府

女卽礎張魯女浣衣山下有白霧蒙身因而有孕恥
之自殺將死謂婢曰我死剖腹視之婢如言得龍子

一雙送之漢水後有龍至墓前成谿其下有女卽廟
搗衣砧

風俗第三

士敦禮讓守詩書農一歲兩獲所重惟秋且土厚水
溪一夫田不過五畝農無閒工亦無餘粟工極拙一
無長技器極質不尙華奢商惟麻縷絲粟魚鹽銅鐵
以資民用無異產亦無遠販婦女鮮出閨門貧家紡
績縫紉時馱田畝士夫家歲一歸寧不尙衣飾其或
年邁者間作佛會消遺餘日婚擇配偶不論財帛聘

以茶麻雞酒娶以花紅酒席喪遵家禮亦有作佛事者安葬必求堪輿擇地於三日前行家祭禮士大夫三獻農家一奠酒粢盛必欲豐備至歲序正月立春前一日有司迎勾芒神與土牛於東郊里市各扮故事表曰慶豐年是日民之男婦攜兒女看春俟土牛過各以豆麻撒之謂之散痘消疹立春日有司祀芒神鞭土牛畢民爭取土塊歸置牲圈取畜養蕃息意也是日喜晴厭雨歌曰但得立春晴一日農夫不用力耕田此言殊驗焉元旦家家焚香拜神祀祖族黨

親朋皆稱賀五日掃門庭以其敝帚置箕擲紙錢棄之郊以送五窮元夕張燈剪綵歌管酒筵光達通宵戴紙面獅象舞樂以效古鄉儺二十三日士女於漢水搭彩船上自柳林下自桃源登臨遊戲曰遊湖兩岬人如螻二月二日文昌帝君之誕無長幼皆有祭曰松花會驚蟄日祀新墳是日士女競鞦韆爲戲也三月二十八日東嶽神誕里民作慶賞之會清明祭祖於墓芟除荆棘掛紙錢四月初八日山僧設齋壇鳴鐘鼓作浴佛道場二十八日城隍神誕呈民亦作

會致慶小滿前後農各治南畝栽秧有詩曰手執秧
苗插野田低頭便見水中天六根清淨方成稻退步
原來是向前五月五日食角黍飲菖蒲雄黃酒以祛
毒兒女以五色綫縮赤靈符佩之六月六日曝書帙
衣服并沐首濯髮七月七日奎星誕士皆會祭是夕
幼女皆設瓜果豆芽穿針乞巧望日農家會飲曰掛
鋤八月中秋陳月餅插桂花歌管酒筵賞翫以永茲
夕九月九日食米糍登高飲茱萸菊酒兒童競放風
鳶十月朔各祀祖但焚紙錢於門外是月禾稼登場

各報賽以答神庥十一月冬至慶賀官司如元日十
二月二十四日祀竈除夕各掃門庭祀祖先家神少
長咸集謂之團年因放爆竹易桃符以祛歲迎祥云
災異第四

西漢

高帝元年冬十月五星聚東井

高后三年夏漢江溢漂四千餘家

文帝後元二年四月乙巳水木火三星合於東井

景帝三年五月甲午金木俱在東井戊戌金去木留

守之二十日

四年四月丙申金木合於東井七月癸未火入東井
九月乙未火入輿鬼

中元年填星去居東井五月甲午金木俱在東井

後元元年五月壬午火星合於輿鬼之東北不至柳
出輿鬼北五寸

武帝建元六年熒惑守輿鬼

元鼎五年丁丑晦日食在東井二十三度

元封元年五月有星孛於東井

昭帝始元二年冬太白出東方入咸池東下入東井
宣帝本始四年七月甲辰熒惑入輿鬼

元帝初元三年土超觜參入井

成帝建始元年十一月乙卯月食填星星不見時在

輿鬼

河平元年四月己亥晦日食不盡如鉤在東井六度
二年十月下旬填星在東井

元延元年秋七月辛未有星孛於東井

平帝元始元年五月丁巳朔日食在東井

東漢

世祖建武七年九月庚子土入鬼中

三十年閏月甲午水星在東井二十度

明帝永平十三年閏月丁亥火犯輿鬼

章帝建初五年五月戊寅木水在東井

和帝永元五年四月癸巳太白熒惑辰俱在東井

十五年六月南城門灾甲子晦日食在東井二十三

度

安帝永初元年八月戊申客在東井弧星西南

七年四月丙申日食在東井一度

順帝永建三年正月丙子水入鬼中

永和五年五月己丑晦日食在東井三十三度近與

鬼

桓帝三年四月丁卯晦日食在東井二十三度五月

丙申熒惑入東井八月己亥填星犯輿鬼中南星

延熹三年五月戊申山崩

獻帝興平九年冬十一月有星孛於東井

二十四年八月大霖雨漢水溢

晉穆帝永和十年十一月月掩填星在輿鬼

升平元年春太白入東井

哀帝興甯三年七月歲星犯輿鬼

簡文帝咸安二年六月乙酉太白犯輿鬼

孝武帝寧康十一年三月戊申太白見東井六月甲

申太白見輿鬼

安帝隆安元年四月丁丑太白晝見東井

義熙九年二月庚午熒惑填星皆犯東井熒惑入輿

鬼三月壬辰歲星熒惑填星太白聚於東井九月

填星犯輿鬼

十年日出東井有白虹十餘丈

十三年七月水涯有聲若雷崩出銅鐘十二枚

南北朝齊後主大統四年六月彗星見於東井

後周武帝天和二年五月己丑歲與熒惑合井相去
五尺

隋煬帝大業三年二月己丑彗星見於東井掃帝座
百餘日乃止

唐高祖武德元年七月丙午填星太白辰星聚於東

井

太宗貞觀十七年六月己卯朔日食在東井十六度
十八年五月太白辰星合於東井

顯慶五年六月庚午朔日食在東井二十七度

龍朔元年五月甲子晦日食在東井二十七度

總章二年六月戊申朔日食在東井二十九度

咸亨元年六月壬寅朔日食在東井十八度

武后垂拱四年六月丁亥朔日食在東井二十七度

中宗神龍三年五月戊戌太白入輿鬼六月丁卯日

食在東井二十八度

明皇開元元年七月己丑太白犯輿鬼東南星

天寶三載六月乙丑朔日食不盡如鉤在東井十九度

德宗建中二年七月熒惑太白鬪於東井

四年六月太白熒惑復鬪於東井

靈宗元和十年六月辛未歲星熒惑太白辰合於東井

穆宗長慶四年三月庚午太白犯東井遂入井中晝

見經天七日而出因犯輿鬼丙戌填星犯井鉞

癸未熒惑犯東井丁亥入井中八月庚辰熒惑犯填星於東井十二月戊子月掩東井

敬宗寶曆四年五月丙午歲星太白合於東井冬歲星熒惑俱逆行失色合於東井

文宗開成二年六月庚申太白入東井

武宗會昌元年閏八月丁酉熒惑入輿鬼中

懿宗咸通元年六月壬寅朔日食在東井十八度

昭宗天復二年五月至八月太白晝見經天在東井

度

後五代

梁少帝龍德二年十月彗星見輿鬼

晉高祖天福四年五月太白犯輿鬼中

宋

太祖開寶三年六月乙未太白歲星合於東井

太宗端拱二年六月戊子彗出東井

真宗咸平二年八月甲子熒惑犯輿鬼

五年四月太白犯輿鬼七月戊戌白氣如陣貫東井

九月戊戌有星十數入輿鬼至中台凡一大星偕
小星數十隨之其間兩星如升器大一至狼星一
至南斗沒

景德四年十一月己巳中天有赤氣如掃長七尺在
輿鬼南

仁宗天聖元年五月癸巳金水相犯於井

景祐元年九月己丑有星出東井如太白赤黃色尾
迹向東速行至柳

慶曆元年六月月犯東井十一月木退犯輿鬼

英宗治平元年二月乙未夜蒼黑雲起西北方長五丈貫東井閏五月木入東井七月金犯輿鬼

五年春月出東井

哲宗元祐元年十二月辛卯月掩輿鬼西北星

徽宗大觀元年四月戊午太白入井

欽宗靖康元年五月壬申太白入鬼犯積尸

高宗紹興四年五月辛亥熒惑犯輿鬼十二月庚寅

望月食於井

光宗紹熙二年八月庚寅火星入犯積尸

竇宗嘉定十一年十一月木星畱守東井十二月壬子月食於東井

理宗紹定四年春大饑

元

世祖至元元年七月彗星出輿鬼四十餘日

成宗元貞元年十一月太陰犯井又犯鬼

大德元年三月熒惑犯井五月太白犯鬼積尸氣

五年庚辰彗出東井二十四度十一月癸未太陰犯

東井

六年七月熒惑鎮星辰星聚於井

武宗至大元年正月太陰犯井

仁宗皇慶元年三月熒惑犯東井

二年三月彗出東井

延祐元年二月熒惑犯東井

二年正月彗星犯輿鬼六月太白犯井

文宗天曆元年二月熒惑犯井

順帝至正元年正月太陰犯井宿

二十二年六月太白犯井九月熒惑犯鬼宿西北星

二十三年六月太白晝見犯井

明

永樂十四年五月漢水漲溢滄沒公私廬舍無存

宣德元年旱

景泰元年大旱

四年大有年

正統七年饑

成化元年大饑

六年八月漢水漲溢高數十丈城郭居民俱滄沒

二十三年大饑

正德七年五月西南起一紅星大如斗有光燄飛往

東北時天鼓鳴

十四年夏漢水溢

嘉靖七年大饑人相食

九年雨如蕎麥化爲虫食禾稼六月乙巳彗星見東
井

十年舟人於漢江夜見金睛水獸走如火滾

十六年春地震

十八年七月漢水漲溢漂壞民居

二十三年春大饑夏大疫

二十四年地震有聲如雷

三十年六月霖雨彌月

四十一年豐樂橋觀音閣災

四十四年粟一莖二穗棉一苞六莖九莖

四十五年斗山松二本相距數尺高丈餘其末合爲

一

萬曆五年道殣相望

四十三年大饑

四十六年大饑

天啟四年地震

崇禎五年大饑

六年大水

七年秋蝗大饑

八年九月十六日地震

九年地大震三日大饑

十年大饑

十一年夏蝗飛蔽天禾苗木葉俱盡大饑

十二年夏旱秋蝗禾草俱盡大饑

十三年大旱粟價十倍絕難罷市

本朝

順治四年八月暴雨兩日夜漢水泛漲歲饑

十一年五月地震屋瓦飛落墻垣傾塌累日不止

康熙元年六月大雨六十日

二年大水大風拔木

十年無禾

十八年霖雨四十日如傾盆者一日夜大水漂沒民居

二十年冬十一月初四酉時西方白氣亘天如疋練至十二月十五日乃滅

二十五年閏四月大風拔木雨雹如雞卵

二十七年雷雹風雨如注水漲甚猛樹木連根蔽江而下溝渠橋梁盡擁倒

三十一年蝗遍野食禾令驅之不止

四十三年八月三十日午時地震

四十八年九月十二日辰時地震

城固縣志卷之二終

城固縣志

卷之二

三

資
學
堂
印
PDG

城固縣志卷之三

署城固縣事西鄉縣知縣雲間王穆重修

食貨第五

補用直隸州知州署城固縣知縣江左徐德懷重刊

民地

原額民地折正一等田地叁千肆百伍拾伍頃伍拾
貳畝柒分陸釐肆毫每畝科糧壹升肆合柒勺柒
抄叁撮捌圭壹粟捌粒共糧伍千壹百伍石壹斗
叁升肆合壹抄每石徵銀貳兩柒錢柒分叁釐玖
絲陸忽肆微共徵銀壹萬肆千壹百伍拾柒兩壹

錢叁分玖釐叁毫伍絲伍忽壹微捌纖壹塵貳沙
內除

荒地貳拾陸頃叁拾叁畝應免折色糧叁拾玖石伍
斗玖升貳合捌抄陸圭肆粟伍粒應免銀壹百玖
兩柒錢玖分叁釐貳毫柒絲叁忽陸微捌纖叁塵
壹渺

實熟地叁千肆百貳拾玖頃壹拾玖畝柒分陸釐肆
毫應徵折色糧伍千陸拾伍石伍斗四升壹合玖
勺貳抄玖撮叁圭伍粟伍粒該徵銀壹萬肆千肆

拾柒兩叁錢肆分陸釐捌絲壹忽肆微玖纖捌塵
壹渺內於康熙貳拾壹年蒙

督院哈 撫院鄂

題疏爲再疏額請等事案內奉

旨豁免過殺掠荒亡地伍百陸拾伍頃伍拾壹畝壹
分玖釐貳毫應免折色糧捌百叁拾伍石肆斗柒
升柒合壹抄捌撮貳圭玖粟壹粒應免折徵銀貳
千叁百壹拾陸兩捌錢伍分捌釐叁毫壹絲壹忽
柒微伍塵伍渺

止實在熟地貳千捌百陸拾叁頃陸拾捌畝伍分柒
釐貳毫應徵折色糧肆千貳百叁拾石陸升四合
玖勺壹抄壹撮陸粟肆粒該折徵銀壹萬壹千柒
百叁拾兩肆錢捌分柒釐柒毫陸絲玖忽柒微玖
纖貳塵陸渺

康熙貳拾叁年起至伍拾伍年止各年共開墾地壹
百伍拾陸頃貳拾玖畝壹分柒釐叁毫貳絲肆忽
該折色糧貳百叁拾石玖斗叁升貳合壹勺捌撮
伍圭柒粟肆粒該折徵銀陸百肆拾兩叁錢捌分

貳毫陸絲壹忽玖微捌纖壹塵肆渺陸漠

人丁

原額民丁叁門玖則不等共折下下丁叁萬玖千陸
百玖拾貳丁每丁徵銀壹錢肆分捌毫捌忽玖微
柒纖陸塵陸渺共徵銀伍千伍百捌拾捌兩玖錢
捌分玖釐捌毫玖絲玖忽肆微捌塵內除

優免丁捌百捌拾丁該銀壹百貳拾叁兩玖錢壹分
壹釐捌毫玖絲玖忽肆微捌塵

實行差丁叁萬捌千捌百壹拾貳丁應徵銀伍千肆

百陸拾伍兩柒分捌釐內除再疏籲請案內奉

旨豁免殺掠絕亡丁陸千肆百肆丁除免銀玖百壹

兩柒錢肆分陸毫捌絲陸忽壹微肆纖陸塵肆渺

康熙貳拾參年起至伍拾年止各年招回并編審出

下下丁壹千柒百玖拾伍丁該銀貳百伍拾貳兩

柒錢伍分壹釐玖毫叁絲叁忽肆微陸纖伍塵

實在活丁叁萬肆千貳百叁丁該銀肆千捌百壹拾

陸兩捌分玖釐貳毫肆絲貳忽叁微壹纖捌塵陸

渺內

上上門貳拾伍丁折下下貳百貳拾伍丁共銀叁拾壹兩陸錢捌分貳釐壹絲玖忽柒微叁纖伍塵

上中門陸拾伍丁折下下伍百貳拾丁共銀柒拾叁兩貳錢貳分陸毫陸絲柒忽捌微叁纖貳塵

上下門壹百壹拾叁丁折下下柒百玖拾壹丁共銀壹百壹拾壹兩叁錢柒分玖釐玖毫肆微玖纖陸

渺

中上門肆百陸拾壹丁折下下貳千柒百陸拾陸丁共銀叁百捌拾玖兩肆錢柒分柒釐陸毫貳絲玖

忽貳微柒織伍塵陸測

中中門壹千壹百柒拾肆丁折下下伍千捌百柒拾
丁共銀捌百貳拾陸兩伍錢肆分捌釐陸毫玖絲
貳忽陸微肆織貳塵

中下門壹千貳百參拾丁折下下肆千玖百貳拾丁
共銀陸百玖拾貳兩柒錢捌分壹毫陸絲肆忽捌
微柒織貳塵

下上門壹千柒百貳拾參丁折下下伍千壹百陸拾
玖丁共銀柒百貳拾柒兩捌錢肆分壹釐伍毫壹

絲玖忽貳微伍織陸塵

下中門貳千柒拾丁折下下肆千壹百肆拾丁共銀
伍百捌拾貳兩玖錢肆分玖釐陸絲捌忽叁微陸
織叁塵肆渺

下下門玖千捌百貳丁共銀壹千叁百捌拾兩貳錢
玖釐伍毫柒絲玖忽捌微伍織貳塵

康熙伍拾伍年奉 文編審新增人丁柒丁欽遵康
熙伍拾貳年叁月拾捌日

恩詔後遇編審之期但據康熙伍拾年丁冊定爲當

額續生人丁永不加賦

均徭

原額均徭銀貳千壹百捌拾肆兩柒錢壹分捌釐伍毫內除

荒亡銀壹拾伍兩伍錢玖分貳釐壹毫玖絲壹微肆纖壹塵伍渺外

實徵銀貳千壹百陸拾玖兩壹錢貳分陸釐叁毫玖忽捌微伍纖捌塵伍渺內除再疏額請案內奉

旨豁免荒亡銀叁百伍拾柒兩伍錢叁分捌釐伍毫

貳絲柒忽捌微壹纖捌塵免編外

止實徵均徑銀壹千捌百壹拾壹兩伍錢捌分柒釐
柒毫捌絲貳忽肆纖伍渺

康熙貳拾叁年至伍拾伍年止各年開墾均徑銀玖
拾捌兩捌錢叁分陸釐壹毫肆絲貳忽捌微叁纖
壹塵壹漠捌沙

柴山祭祀皂轎夫役等項銀捌拾陸兩玖錢壹分陸
釐

停免銀伍百肆拾壹兩叁錢伍釐伍毫玖絲陸忽壹

切匪事
卷之三
六
徵柴織

匠價銀柒兩伍錢伍分

康熙貳年清查查出溢額丁壹拾陸丁該銀貳兩貳錢伍分貳釐玖毫肆絲叁忽陸微貳織伍塵陸渺

總計通縣地丁實徵銀共壹萬玖千柒百叁拾伍兩肆錢伍釐柒毫叁絲捌忽柒微伍織玖塵柒渺柒漠捌沙內除

康熙四十六年

撫都院鄂

題運爲詳請委勘水災等事案內奉

旨停徵銀伍拾壹兩柒分貳釐伍毫伍絲捌忽捌微
壹纖肆塵捌渺

實在銀壹萬玖千陸百捌拾肆兩叁錢叁分叁釐壹
毫柒絲玖忽玖微肆纖肆塵玖渺柒漠捌沙

額外

課程銀壹拾叁兩玖分貳釐

以上額內額外實徵共銀壹萬玖千陸百玖拾柒兩
肆錢貳分伍釐壹毫柒絲玖忽玖微肆纖肆塵玖

渺柒漠捌沙內

起運銀壹萬柒百柒拾壹兩肆錢肆分捌釐柒毫玖
絲柒忽玖微叁纖伍渺伍漠捌沙

存番銀捌千玖百貳拾伍兩玖錢柒分陸釐叁毫捌
絲貳忽壹纖肆塵肆渺貳漠

起運存番遇閏實徵加銀貳百肆拾捌兩壹錢伍分
玖釐叁毫柒絲肆忽玖微壹纖肆塵玖渺

匠價遇閏加銀陸錢貳分玖釐壹毫陸絲陸忽陸微
陸纖陸塵陸渺

課程遇閏加銀壹兩玖分壹釐

藥材麝香貳兩奉 文全折估價銀壹兩陸錢

解藥腳價盤纏銀壹兩貳錢叁分壹毫

原額學田地伍拾畝米釐額租肆拾柒石壹斗捌合
每石折價銀貳錢伍分共折價銀壹拾壹兩柒錢
柒分柒釐康熙貳拾叁年奉

部文在於請廣學宮等事案內散給廩生貧士

地稅奉 文不宜定額儘收儘解

接收寧羗州衛屯

屯地

原額屯地貳百捌頃玖拾柒畝伍分陸釐各起科不
等共徵本色糧玖百玖拾柒石肆斗貳升捌合條
銀壹百伍拾伍兩柒錢捌分柒毫貳絲內除

荒崩地貳拾壹頃畝捌分除免糧壹百玖拾肆石肆
升貳合免銀叁拾兩肆分捌毫陸絲

實徵熟地壹百捌拾柒頃玖拾陸畝柒分陸釐該徵
糧捌百叁石叁斗捌升陸合條銀壹百貳拾伍兩
柒錢叁分玖釐捌毫陸絲內除再疏籲請等事案

內奉

旨豁免殺掠荒亡地貳拾肆頃叁拾叁畝陸分陸釐
捌毫除免糧捌拾玖石伍斗壹升肆合貳抄肆撮
免銀壹拾肆兩捌釐玖毫肆絲肆忽柒微伍纖陸
塵

止實在熟地壹百陸拾叁頃陸拾叁畝玖釐貳毫共
科本色糧柒百壹拾叁石捌斗柒升壹合玖勺柒
抄陸撮共徵銀壹百壹拾壹兩柒錢叁分玖毫壹
絲伍忽貳微肆纖肆塵內除詳請委勘等事案內

奉

旨停徵水衝地伍頃叁拾柒畝陸分免本色糧叁拾
叁石肆斗叁升伍合免條銀伍兩貳錢叁分貳釐
伍毫柒絲柒忽伍微

康熙貳拾叁年起至伍拾伍年止開墾地陸頃伍拾
玖畝捌分伍釐肆毫共徵本色糧貳拾貳石柒斗
玖升壹合叁抄共條銀叁兩伍錢陸分陸釐柒毫
玖絲陸忽壹微玖纖貳塵伍渺

共實在熟地壹百陸拾肆頃捌拾伍畝叁分肆釐陸

毫兵科本色糧柒百叁石貳斗貳升捌合陸撮共
條銀壹百壹拾兩陸分伍釐壹毫叁絲叁忽玖微
叁纖陸塵伍渺

屯丁

原額屯丁叁門玖則不等共壹百伍拾玖丁各編銀
不等共該銀肆拾伍兩伍錢內除逃亡丁肆拾捌
丁

實在丁壹百壹拾壹丁叁門玖則不等共徵銀肆拾
伍兩伍錢

康熙伍拾伍年奉 文編審新增人丁貳丁欽遵康
熙伍拾貳年叁月拾捌日

恩詔後遇編審之期但據康熙伍拾年丁冊定爲常
額續生人丁永不加賦

總計接收實徵地丁共銀壹百伍拾伍兩伍錢陸分
伍釐壹毫叁絲叁忽玖微叁纖陸塵伍渺內

起運銀壹百肆拾兩捌錢玖分捌釐伍毫叁絲叁忽
玖微叁纖陸塵伍渺

存留解苑馬寺叁分帮壹銀壹拾肆兩陸錢陸分陸

釐肆毫

實徵本色糧米百叁石貳斗貳升捌合陸撮內徵

小麥叁百伍拾壹石陸斗壹升肆合叁撮

粟米壹百柒拾伍石捌斗柒合壹撮伍圭

黃荳壹百柒拾伍石捌斗柒合壹撮伍圭

解交本府清軍廳倉散給

衛屯遇閏加銀壹兩壹分陸釐陸毫

存留

原額存留站支經費雜支孤貧口糧布花等項共銀

玖千伍兩貳錢叁分柒釐貳絲壹忽貳微貳纖肆
塵伍渺伍漠內除

荒銀伍拾玖兩叁錢壹分陸絲陸忽玖微玖纖壹塵
陸渺又除再疏籲請等事案內奉

旨豁免銀壹千陸拾柒兩壹錢伍分玖釐捌毫伍絲
伍忽柒微貳纖壹塵陸渺捌漠又除詳請委勘水
災等事案內奉

旨停徵銀貳拾叁兩肆錢伍分肆釐伍毫壹絲伍忽
貳微伍纖又除額協朝邑等縣驛站抵餉銀肆百

伍拾玖兩肆錢肆分陸釐玖毫玖絲壹忽玖微肆
織貳塵外收受協三原等縣梁山等驛應支銀肆
千捌百貳拾伍兩壹錢伍分貳釐柒毫壹絲肆忽
壹微肆織陸塵貳渺

以上共銀壹萬貳千貳百貳拾壹兩壹分捌釐叁毫
伍忽肆微陸織伍塵肆渺柒漠內除康熙貳拾肆
年在於驛遞之差使甚少等事又於康熙貳拾捌
年在於題明請將驛站等事貳案內共裁站肆千
陸百柒拾貳兩玖錢壹分叁釐柒毫叁絲貳忽捌

微貳織伍塵柒漠內於康熙叁拾伍年在於題明
請將驛站等事案內奉文撥給草凉山岔松林等
驛及寧羗州新增夫馬工料銀壹千叁百柒拾柒
兩捌錢柒分壹釐捌毫玖忽叁微柒織肆塵貳漠
肆沙實裁銀叁千貳百玖拾伍兩肆分壹釐玖毫
貳絲叁忽肆微伍織壹塵伍漠收在起運項下解
司充餉外

實該銀捌千玖百貳拾伍兩玖錢柒分陸釐叁毫捌
絲貳忽壹織肆塵肆渺貳漠內

站支共銀伍千柒百肆拾壹兩貳錢肆分貳釐玖毫
伍絲壹忽陸微肆纖貳塵貳渺肆漠陸沙內

新墾銀叁拾伍兩伍錢叁分玖釐肆毫叁絲壹忽貳
微柒纖叁渺壹漠解司克餉

驛站銀伍千柒百伍兩柒錢叁釐伍毫貳絲叁微柒
纖壹塵玖渺叁漠陸沙解府供驛

經費共銀捌百伍拾肆兩肆錢肆分柒釐叁毫叁忽
捌微伍纖叁塵貳漠伍沙內

知縣壹員俸薪銀叁拾玖兩叁錢捌分捌釐陸毫壹

絲伍忽玖微肆織

遇閏加銀叁兩貳錢捌分貳釐肆絲肆忽柒微陸
織伍塵解司克餉

門子二名工食銀壹拾兩伍錢貳釐陸毫肆絲玖忽
叁微捌織肆塵

遇閏加銀捌錢柒分伍釐貳毫貳絲壹忽柒微

皂隸壹拾陸名工食銀捌拾肆兩貳分玖釐壹毫叁
忽陸微柒織貳塵

遇閏加銀柒兩壹釐捌毫柒絲壹忽柒微

馬快捌名工食銀壹百壹拾柒兩陸錢肆分柒釐捌
絲貳忽捌微陸織捌渺

遇閏加銀玖兩捌錢貳釐伍毫柒絲捌忽捌微捌
織

民壯伍拾名工食銀貳百陸拾貳兩伍錢玖釐柒毫
叁絲柒忽叁微肆織伍塵柒渺

遇閏加銀貳拾壹兩捌錢捌分捌毫伍絲柒忽伍
微肆織捌

燈夫四名工食銀貳拾壹兩柒釐貳毫肆絲柒微陸

織捌塵

遇閏加銀壹兩柒錢伍分肆毫陸絲陸微

禁子捌名工食銀肆拾貳兩壹分肆釐陸毫叁絲肆
忽壹微叁織陸塵

遇閏加銀叁兩伍錢玖毫貳絲玖忽壹微

轎傘扇夫柒名工食銀叁拾陸兩柒錢陸分貳釐捌
毫貳忽玖微肆織肆塵

遇閏加銀叁兩陸分叁釐叁毫壹忽壹微伍織

庫子肆名工食銀貳拾壹兩柒釐貳毫肆絲柒微陸

織捌塵

遇閏加銀壹兩柒錢伍分肆毫伍絲壹忽壹微

斗級肆名工食銀貳拾壹兩柒釐貳毫肆絲柒微陸
織捌塵

遇閏加銀壹兩柒錢伍分肆毫伍絲壹忽壹微

外吏書壹拾貳名工食銀柒拾貳兩

遇閏加銀陸兩

倉庫書貳名工食銀壹拾貳兩

遇閏加銀壹兩貳書倉庫貳項康熙元年照數全

裁收入起運項下

典史壹員俸薪銀貳拾柒兩伍錢捌分玖釐伍毫伍絲肆忽叁微陸塵

遇閏加銀貳兩貳錢玖分捌釐玖毫陸絲柒忽叁微肆纖貳塵叁渺解 司克餉

門子壹名工食銀伍兩貳錢伍分壹釐柒毫玖絲伍忽玖纖貳塵

遇閏加銀肆錢叁分柒釐陸毫叁絲壹纖

皂隸肆名工食銀貳拾壹兩柒釐貳毫肆絲柒微陸

織捌塵

遇閏加銀壹兩柒錢伍分肆毫伍絲壹忽壹微

馬夫壹名工食銀伍兩貳錢伍分壹釐柒毫玖絲伍忽玖織貳塵

遇閏加銀肆錢叁分柒釐陸毫叁絲壹織

外吏書壹名工食銀陸兩

遇閏加銀伍錢貳項康熙元年照數全裁收入起
運項下

教諭訓導貳員

合食壹俸

俸薪銀貳拾柒兩伍錢捌分玖

釐伍毫伍絲肆忽叁微陸塵

遇閏加銀貳兩貳錢玖分捌釐玖毫陸絲柒忽叁
微肆纖貳塵叁渺解 司充餉

齋夫叁名工食銀叁拾壹兩伍錢壹分玖毫伍忽伍
微

遇閏加銀貳兩陸錢貳分伍釐柒毫壹絲玖忽肆
微

膳夫貳名工食銀壹拾壹兩陸錢柒分貳釐伍毫貳
絲貳忽捌微伍纖叁塵陸渺柒漠伍沙

遇閏加銀玖錢柒分貳釐肆毫柒絲叁微貳纖陸
塵伍渺

門斗叁名工食銀壹拾貳兩陸錢肆釐叁毫伍絲玖
忽壹微捌渺

遇閏加銀壹兩伍分貳毫玖絲肆忽貳微

廩生貳拾名月糧銀伍拾陸兩壹分捌釐伍毫貳絲
捌忽貳微肆纖捌塵伍漠

遇閏加銀肆兩陸錢柒分叁釐叁毫陸絲柒忽玖
微貳渺

外吏書壹名工食銀柒兩貳錢

遇閏加銀陸錢貳項康熙元年照數全裁收入起
運項下

雜支共銀玖百貳拾陸兩陸分壹釐玖毫伍忽肆微
陸纖貳塵壹渺柒漠伍沙內

解司半留紙劄銀壹兩伍錢柒釐捌毫捌絲捌忽叁
微柒纖壹塵壹渺

解司新墾銀壹拾伍兩貳錢柒分伍釐貳毫肆絲叁
忽伍微貳纖捌塵貳渺貳漠伍沙

解司撥協延綬廳邊塘夫馬工料銀柒拾兩伍錢
遇閏加銀肆兩伍錢

解府表箋銀壹兩伍錢叁分壹釐柒毫陸絲陸忽玖
微柒纖壹塵玖渺康熙伍拾陸年柒月奉 文在
於兵馬之冊籍等事案內解司充餉

解府供驛銀陸百兩肆錢玖分柒釐玖毫肆絲玖忽
肆微叁纖貳塵柒渺貳漠

遇閏加撥協寧羗州損夫閏月銀玖兩陸分捌釐
陸毫玖絲捌忽捌微玖纖捌塵柒渺

本府鼓夫伍名工食銀壹拾壹兩陸錢柒分伍毫玖
絲捌忽陸微伍纖貳塵玖渺

遇閏加銀玖錢柒分貳釐肆毫肆絲壹忽貳微貳
纖

春秋祭祀銀柒拾玖兩陸錢伍分貳釐叁毫壹絲壹
忽貳微肆纖捌塵肆渺

鄉飲銀貳兩陸錢貳分伍釐玖毫捌忽玖纖柒塵貳
渺

印刷曆日銀捌錢柒分伍釐貳毫柒絲貳忽肆微叁

織貳塵肆渺

各舖司兵壹拾叁名工食銀伍拾肆兩陸錢壹分玖釐貳毫壹絲陸忽肆微玖纖伍塵壹渺叁漠

遇閏加銀肆兩伍錢伍分壹釐貳毫玖絲陸忽伍微玖纖伍塵壹渺

鼓手叁名工食銀陸兩叁錢貳釐壹毫肆絲貳忽壹微玖纖叁塵肆渺

遇閏加銀伍錢貳分伍釐壹毫壹絲陸忽肆微

安家陰平白崖叁渡水手叁名工食銀壹拾兩伍錢

坊園集卷之三
十一
參釐陸毫米忽捌微參織捌塵捌渺

遇閏加銀捌錢米分伍釐貳毫陸絲米忽米微貳
織

遞馬工料燈油銀米拾兩伍錢

遇閏加銀肆兩伍錢

孤貧口糧銀貳拾參兩貳錢捌分米釐捌毫伍絲貳
忽陸微伍織伍塵參渺陸漠

孤貧布花銀參兩陸分肆釐伍毫伍絲玖忽貳織米
塵伍渺玖漠

鹽課

原額鹽引肆千叁百壹拾陸張係陸引每年土商赴
靈州花馬大池每引掣鹽貳百觔共掣鹽捌拾陸
萬叁千貳百觔每引徵銀捌分共徵原額鹽課銀
叁百肆拾伍兩貳錢捌分解 司充餉每引徵雜
課紙價銀叁釐共徵銀壹拾貳兩玖錢肆分捌釐
解府彙解 戶部

康熙拾玖年奉 文於催領鹽引事案內每引加增
銀伍分共銀貳百壹拾伍兩捌錢在於貳拾伍年

商累未經

上聞案內奉 文豁免

又於鹽課之議增不足病商案內奉 文每引加
增銀柒分共叁百貳兩壹錢貳分又

閏月每引加增銀壹分陸釐陸毫陸絲陸忽共銀
柒拾壹兩玖錢叁分叁釐叁毫叁絲叁忽叁微叁
纖叁塵叁渺在於貳拾貳年奉 文豁免

以上除貳項豁免外實在原額并柒分加增共銀陸
百肆拾柒兩肆錢

雜稅

牲畜稅銀壹百兩叁釐

牙帖稅銀貳拾壹兩陸錢

烟稅康熙貳拾貳年拾貳月內奉 文豁免

酒稅康熙貳拾陸年柒月初壹日奉 文豁免

茶引

按城固茶引有大小之別大引共二百一十張每張折價二兩共該銀四百二十兩小引六張每張折價二兩共該銀一十二兩折價卽納茶課也商人

不拘多寡有力量者或領三四十張無力者或領
一二十張亦無定名今年係趙商明年卽將引賣
與錢商行茶先于甘肅茶院報明領引每引一張
計茶二十封每封五觔至湖廣長沙府安化縣收
買從水路運至襄陽及陝西興安州白河紫陽驗
引放行至漢中茶法廳按引盤茶由陸路駝至臨
鞏等處查西邊有河州岷州莊浪西甯四廳如某
商奉院發在何司則運至彼發賣茶有貴賤引價
則一如前開每張二兩是也例係賣茶完價如茶

不能銷則價亦拖延甚至越兩年而未楚所以引
領于本年之夏而價不能完足於當年之冬每年
春奉茶院票提商人領引四司照簿行催完價縣
據商報赴司日期申覆甘肅向有茶馬察院昔年
奉裁歸并于甘肅巡撫衙門矣

城固縣志卷之三終

城固縣志卷之四

署城固縣事西鄉縣知縣雲間王穆重修

水利第六

補用直隸州知州署城固縣知縣汪徐德懷重刊

楊填堰縣北一十五里出壻水河宋開國侯楊從義填成此堰故名城固田在上水用水三分洋縣田在中下水用水七分其修堰分工疏挑渠道亦照用水三七例攤派各挑各渠無容爭辯康熙二十六年天旱不循三七之例水無下流洋田之在下名爲盡水者如白楊灣如智果寺如謝村橋等處

盡失栽插顆粒無收兩縣之民控訴無已郡守滕
暨府佐梁親爲踏勘檄洋令謝景安城固令胡一
俊會勘覆訊定案申詳立碑照舊例用水分工修
堰濬渠至栽插用水時上流不得邀截永爲定例
五門堰西北二十五里出壻水河元至正間縣令蒲
庸以修築不堅改剗石渠一道與壻水相望而下
抵斗山北麓上抱石嘴半中築堤過水碧潭去此
上流橫溝五門恐水或溢約棄入壻水用保是堤
因名曰五門堰也灌田四萬八百四十餘畝動磨

七十每歲首凡一舉修竹木四萬九百有奇夫六百七十五人明宏治間推官郝晟重開康熙十一年縣令毛際可查久淤古渠侵占在民者仍照舊寬濶挑濬水大通行二十五年堤崩縣令胡一俊申請修築較前益堅將前喬令高令水冊附後

右五門堰澆田五萬餘畝分水洞激三十六處惟西高渠田高水遠常年失旱民多告擾該本縣喬親詣堰所相其高低查田編夫各用井字椿木修理其洞激水口以木徑尺爲則不料年久椿爛水利

照舊不均該本縣高審其來由親詣堰所看得舊用木椿易壞於是蠲俸易買石條石灰各照舊規修砌合行給冊立碑永遵

五門堰因椿木修理不能堅固今議石條石灰修砌水門五洞寬濶二十餘丈水流勢大亦無阻滯仍令僧人看守不許人畜損壞

小龍門堤岸共計三十七丈六尺今議井字捲木石灰修砌空流水口五丈名爲活堰以備退水如有損壞各該堰長不時修補

定額水車九輛每輛溉田不過二三十畝今後安車
務要輪板增大聽其自然打水不許攔截官渠

唐公澱田六百八十三畝五分照舊截渠定堰務
要眼同各堰長公定不許加高阻滯

道流洞田一百五十一畝渠道稍下議定水口週圍
一尺八寸

上下高洞田共二百一十三畝渠道稍下議定水口
各一尺六寸

青泥洞田一千七十四畝渠道最低議定水口週圍

二尺告加一尺與官渠平砌不許安深

雙女洞田二百七十八畝渠道平流議定水口週

圍二尺

廟渠洞田一百四十八畝渠道平流議定水口週圍

一尺四寸

藥木洞田二百七十五畝渠道最低議定水口週圍

二尺

蕭家灘田一千四百七十五畝渠道最低議定石條

水口一尺

濱水激田一千二百四十一畝渠高田高但蕭家激
定有平木則本激水得滄流不許攔截官渠

黃家激田八千二百五畝渠道最低原定平木水口
三尺八寸因中沙渠渠高水慢加添一寸共三尺
九寸今議石條石灰并將兩邊堤畔照舊規一通
修砌高低水利均平不許紊亂

蘇家橙槽渠田四十八畝近因本渠於常年淤塞各
戶修理寬深况官渠田畝數多不許邀截

鴛鴦激田四千七百七十六畝渠道最低舊規水口

二尺九寸今議石條石灰修砌其本激原與黃土堰同渠分水因本激另開一渠該激使水入戶白認加定石條平口如有日後渠低水剩仍復比前增加庶高低水利均平

黃土堰田八百一十九畝渠道平流照舊水口九寸油浮激田三千三百畝原定水口二尺八寸渠道低流又兼山水直衝本堰實乃西高渠要害今議石條一百三十二丈石灰五十餘石修砌活堰寬濶順下各四丈以備退水則西高渠亦不爲害原議

堰夫六十八名專理本堰挑濬本渠庶遠近有別
勞逸均平

東高渠田一百八畝渠道平流照舊水口四寸仍截
官渠定堰下田萬畝舊規平木水口一丈五尺不
許加高定窄

水車澆田三千四百五十九畝渠道最低今議石條
安置照舊水口三尺八寸不許紊亂

官渠尾分水洞澆一十六處俱用石條石灰因時修
砌

王家洞田一百五十六畝七分渠道低流議定水口

週圍一尺六寸

羅家洞田三十畝渠道低流議定水口週圍六寸

張家洞田二十畝渠道低流議定水口週圍四寸

董家洞田九十一畝三分渠道低流議定水口週

圍一尺

王乾澍田四百四十九畝原議石條水口平木照舊

一尺

張家洞田一百三十七畝五分渠道低流議定水口

週圍一尺四寸

高家洞田一十二畝渠道低流議定水口週圍三寸
任家洞田八十二畝渠道低流議定水口週圍八寸
大小橙槽渠田三百畝內將四十畝歸入西高渠使
水訖止田二百六十畝議定平木水口七寸八分
西官渠以下分水渠洞六處共田三千八百四十
三畝與橙槽分水議定照舊平木一丈一尺五寸
甄洞渠田七十七畝五分議定水口平木三寸九
分

小漢渠并中溝渠共田六百五十六畝七分議定水口平木三尺二寸九分

大漢渠田二千三百六十六畝五分議定水口平木一丈一尺九寸

花梨渠田二百二十畝四分議定水口平木一尺一寸三分

高渠田五百二十一畝議定水口平木二尺六寸一分

淤塞渠道應該挑濬共四處

一自小龍門起至第三輛水車止共二百九十步俱係沙淤工程不重該車夫并唐公澍使水人夫挑濬深寬不得阻滯水利

一斗山前灣高橋上下共二百三十步該四里堰長挑修務要低深二三尺方無阻礙

一白家灘起至蕭家澍止共一百四十步四里均挑寬深不許阻滯水利

一黃家澍起至鴛鴦澍止共七百七十七步該二里堰長人夫挑修

大漢渠以下分水

鐵王泮田四百八十畝該水口二尺四寸

棗堰泮田三百一十畝該水口一尺五寸五分

何家渠田一百畝

龔家渠田三百三十畝該水口一尺六寸五分

陳家渠田二百畝該水口一尺

西渠田九百畝該水口四尺五寸

查得官渠兩邊俱係陡坎官地日久恐附近居民
懇闢侵種勢必淤塞渠道雖經勒碑示禁然不時

查輯杜漸防微是在後之君子

百丈堰西北三十里橫截壻水百丈故名

高堰西北三十里出壻水河

盤蛇堰南四十里出南沙河

橫渠堰西三十五里出北沙河

鄒公堰西北四十里出北沙河

承沙堰南十里出小沙河

倒柳堰西南二十五里

西小堰西北四十里

上官堰西二十里

棗兒堰西北二十里

周公堰

沙平堰

東流堰

坪沙堰

西流堰

鷺兒堰東北十里寶山之麓相傳寶山寺柱木龍化

鷺脚水故名

流沙堰西南四十里

物產

米 薑 薑黃 煙 柑子

五者較他邑頗勝故特載之

城固縣志卷之四終

城固縣志卷之五

署城固縣事西鄉縣知縣雲間王穆重修

官守第七

補用直隸州知州署鞏縣知縣江左徐德懷重刊

知縣

宋

魯宗道亳州譙人祥符中爲縣令性介直誠信與人
百姓愛之如父母不忍欺焉民陷於法宗道曰民失
其道之上過也痛自克責民化於善後拜正言叅知
政事人目爲魚頭叅政蓋因其姓言其骨鯁也

張浚廣漢人爲邑令陞川陝宣撫封魏國公

閻蒼舒太原人化民以德不任刑罰躬行禮義以身先之民皆悅服風俗丕變

薛可光字景孝河東人由縣尉陞知縣事有文學諳世務率吏民以拒寇興水利以溉田民懷其德故名其所築橋渠曰薛公渠

元

蒲庸字時中鄜延人至元中爲邑令修五門堰改創石渠一道以通水利民蒙其惠立生祠於斗山之麓

明

曹壁山西魏山人監生持身以廉撫字得宜

葉壽江南高郵人時稅糧久逋民多鬻子賠償不完立爲奏除報額勸富代輸撫綏備至遠近頌戴永樂間任

胡海江西饒州人以賢良方正任廉以律已施爲有方民多感慕成化間任

杜綦山西陽曲人陞戶部主事

趙思仁直隸昌平人舉人和緩清平愛民守已宏治

間任

李完四川合江人監生奉公守法吏畏民懷

易宏貴州人舉人以本縣教諭陞本縣令政教廉舉
士民感慕俱正德間任

李材河南邲縣人舉人治才敏捷法令嚴密見重於
當道地方賴以寧謐以內艱去

劉振山西平陽人舉人政善民懷教養兼舉

經希偁廣西人催科不擾興學愛民

劉佳河南禹州人官生

尹寶監生

郭崇儒四川人舉人

張汝諧監生

李益德河南登封人官生

范時修四川成都人舉人清廉愛民力勤墾務造祭器於學宮建農亭於郊野此其最著者也

白桂貴州人舉人

陳宗器四川人舉人

楊廷儀湖廣黔陽人舉人

任堪直隸亳州人監生

趙錄四川成都人舉人

楊永茂四川昭化人監生

楊守正直隸良鄉人監生寸忠自盡六事咸修新學

校課農桑興復射圃任內歲時豐稔俱嘉靖間任

熊謹湖廣麻城人舉人均稅糧致民殷富奉檄征寇
民獲凝息

丁汝翼華陽人舉人

傅第大寧人監生隆慶間任

喬起鳳山西安邑人舉人里修文廟勤築堰渠官至
太僕寺卿

熊謹河南光山人監生

劉克義山西澤州人舉人

景章四川富順人進士召募里甲節用愛人

劉振益南部人舉人包磚城省力役愛惜里甲民享
樂利

傅珩四川銅梁人舉人

呂從古武強人舉人

高登明山西翼城人舉人劄修渠堰造土恤免民蒙

惠利

文應聘山西介休人舉人

謝君賜四川新都人舉人

郭世榮四川成都人舉人

董懋官直隸大名入舉人

馬中騫直隸東光人進士以才品調繁長安將行而

死兩地思憫

程三樂四川重慶人舉人與郡伯潘文合招礦徒俞

士幹等賊旋就擒斬謀畫夙優地方安戢俱萬厯間
任

楊邦英雲南臨安人舉人

劉定宇山西定襄人舉人

周學閔山西曲沃人舉人時接瑞王調停供應人民
安堵天啟間任

胡永禎北直涑水人歲貢

鍾良翰湖廣辰州人選貢

梁州杰山西襄陵人進士調繁長安

李如霖河南沈丘人舉人

梁化鯉山西人功貢

司五教直隸內黃人貢上時李孽田見秀至邑索印
五教堅志求死不與急索之五教抗罵不屈賊寸磔
於街後奏聞廕祀名宦俱崇禎間任

本朝

仲明良山西廣昌人歲貢

楊四易山西壺關人

李祥光山西翼城人進士

楊仕俊直隸永年人

閻萬鍾河南項城人貢生俱順治間任

萬興倫江西南昌人舉人

毛際可浙江遂安人進士

孫振元遼東人舉人

徐永祚北直宛平人

胡一俊北直灤州人貢監康熙二十三年任三十六年陞山西絳州知州

甘文煊奉天瀋陽人正藍旗例監三十六年任四

十二年調咸寧縣

程琦江南合肥縣人歲貢四十二年任四十五年去
何憲廂白旗人歲貢四十七年任

縣丞

明

羅江磁州人

竹載陽四川蘆山人監生

劉文秀湖廣鄖西人吏員

王廷祿四川內江人監生

蔣鸞湖廣黔陽人監生

白豸四川梓潼人監生

趙愈四川人監生

潘宋浙江會稽人

盧巖崇禎二年裁

王簿

明

彭萬里湖廣巴陵人

薛文舉直隸濬縣人吏員

王鶚山西人監生

王道直隸順天人監生

龔景陽湖廣羅山人監生

楊實四川人承使陞清浪衛知事

李文錦山西絳州人吏員

程錦四川威遠人

鮑 目此裁

典史

明

李驥四川新繁人監生公平有爲值考滿民懷其惠
詣部保留

李大經山西大同人

范俊四川德陽人

陳忠德四川人

李景蘭河南信陽縣人萬曆間任

鄭希泗河南靈寶人

吳思孝四川綿州人

牟伯純四川巴縣人

彭顯貴

本朝

繆大成

黃英

徐來標
浙江蕭山人

范佳賓

戚宗樞

陳玫
山西人

樓世忠
浙江人

李恩錫山東滕縣人

楊兆旦浙江寧海人

教諭

明

陳岳四川墊江人監生

王槃四川南充人

郡世祿山西河津人選貢年青學博教勤升延安府

同知

周易山東萊州人

楊瑞四川蓬州人

石煥玉江西寧州人

黃惠四川威州人

劉升四川合江人舉人陞石泉縣知縣

程鑄四川榮縣人嘉靖間任

單經德興安人

蕭如松四川內江縣人萬曆間任

郝蜚鴻山西臨縣人

本朝

汪鷹揚成縣人

謝賢詔平利縣人

別建奇富平人陞江西南昌縣知縣貢士

高汝梅延安人歲貢

何鵬煇涇陽人舉人

楊廷桂寶雞人舉人

王明弼咸陽人貢生

侯賜履鳳翔人貢生

訓導

明

牛紳河南尉氏人時明倫堂逼城東規模狹隘乃率
生徒請於當道捐捧改建更立程勸學科第聯翩

龍騰四川南溪人

賀良瑞四川巴縣人訓迪有法

趙臣四川人

馬馴涇陽縣人

傅吉四川成都人

郭鎮河南河內人

徐一元江西臨川人

陳傑四川達州人

趙文粲四川大寧人

本朝

王明謙蒲城人

衛啟疆韓城人

改觀富平人貢生

李佳品郿縣人歲貢

高密寶雞人歲貢

李映棠河西鎮番衛人

孟思智鞏昌人歲貢

張振翼鄆縣人歲貢

孫雲鵬洮州人歲貢

姚清臨洮人歲貢

池鴻漸邠州人歲貢

李清韓城人歲貢

段儼朝邑人歲貢

本朝

陰陽學一員

醫學一員

僧會司一員

道會司一員

城固縣志卷之五終

共
同
考
試

考
試
要
項

三

資
料
檢
索
PDG

城固縣志卷之六

署城固縣事西鄉縣知縣雲間王穆重修

人物第八
進士

補用直隸州知州署城固縣知縣江左徐德懷重刊

明

賈古昇永樂甲申科官都御史

劉勉乙未科官庶吉士

黃九成嘉靖丙辰科官副使

黨中疇萬曆庚戌科官主事

城固縣志

卷之六

廉第庚戌科官副使

石聲諧癸丑科官布政

謝宸癸丑科官副使

趙京仕天啟壬戌科官戶部侍郎

張鳳翮乙丑科官巡撫

羅國華崇禎戊辰科官僉事

田起鳳戊辰科官御史

許無奇辛未科官知縣

梁衡辛未科官知縣

本朝

李可喬順治己丑科官僉事

黨以讓乙未科官侍講

葉冲漢己亥科官知縣

許瑄己亥科官知縣

馬鵬己亥科官知縣

李翔辛丑科官知縣

屠直辛丑科官知州

李發康熙己丑科官慶陽府教授

葉華暉乙未科

舉人

明

賈古昇永樂壬子科見進士

李茂乙酉科官教諭

王用賓戊子科

張憲辛卯科官同知

李翬辛卯科官州判

杜忠宣德壬子科

李寧天順壬午科官知州

李永安景泰癸酉科官教諭

孫讓成化甲午科官知縣

黃熙庚子科官戶部照磨

廉傑嘉靖乙酉科官知州

黃藻辛卯科官通判子九成

方策丁酉科官知縣

黃九成乙卯科見進士

胡璉辛酉科官知州

杜陸隆慶丁卯科

王勉學萬曆癸酉科

張嘉謨乙酉科官知縣

胡來庭戊子科連子

韓梅甲午科官知縣

石聲諧庚子科見進士

黨中疇見進士

廉第巳酉科見進士

謝宸見進士

趙京仕壬子科見進士

黃登憲九成子

許應科壬午科

王昌字癸卯科

梁衡乙卯科見進士

田起鳳戊午科見進士

張鳳翮天啟辛酉科見進士

羅國華丁卯科見進士

方振寰官知縣

謝廷旌崇禎癸酉科

王譜丙子科

李鳳階壬午科

譚達蘊

本朝

梁天植順治乙酉科衡子

譚公鼎官知縣

和鹽鼎丙戌科官御史

李可喬戊子科見進士

杜日巖辛卯科

黨以讓甲午科見進士

趙爾相

許天覺揀選知縣

張拱乾揀選知縣

馬驕丁酉科見進士

許瑄見進士

葉冲漢見進士

譚體質康熙癸卯科官學正

李琪芳歷陞國子監助教

譚體實辛酉科官教諭

秦天賜歷官御史

張資深甲子科官教諭

李述臯庚午科官商州學正

許瑗丙子科官西安郃陽教諭

段士英

李培篤副榜

李發戊子科見進士

朱紹文辛卯科

葉華晴甲午科見進士

貢士

明

李均美

李鶴

曾鑑

余懋

徐孟翱

孫淋

杜懋官兵部司務

王巽官推官

谷鏞官知縣

王晟官鴻臚寺序班

許謙官知縣

石盤官縣丞

劉坊官審理正

舒用之官知州

湯銘官州判

廉清官同知

趙驥官主簿

楊大和官訓導

向明官縣丞

杜讓官知事

樊宏官檢校

王溫官縣丞

王宣官縣丞

黃柱官知縣

王廷傑官主簿

王伯生官檢校

廉能官主簿

杜斌官照磨

胡昂

全壽

黃暘

吳俊官鴻臚寺序班

李鳳鳴官縣丞

楊儒官縣丞

王相官主簿

張廷官縣丞

李萬官訓導

吳悅中官照磨

方端官訓導

王時官通判

劉智官布政司理問

劉真官知事

黃熙官經歷

夏正官知縣

魏經官典簿

李經官主簿

楊廷官縣丞

孫談官知事

招廷傑官都司斷事

陳政官都司斷事

王臻官同知

王連官主簿

余文璽

余文璧

田鶴官訓導

胡遷官教諭

方儒官主簿

陳仲仁官主簿

周書

方伸官經歷

王鎧

鄔欽官教諭

陳伯玉官訓導

陳善

呂憲官訓導

楊朝用官訓導

李文官訓導

李芑官經歷

陳珊官教授

汪奎

田表

王珠官訓導

楊朝漢官訓導

李元芳官通判

張顥

王爵官教授

舒傑官教授

王之幹官訓導

閻禮

余九澤官教授

葉茂時

許應元官通判

王心學官訓導

杜元德官通判

廉官官經歷

陳王道

田世資官訓導

田世封官學正

王汝楫官知縣

王禮學官學正

杜元吉官教授

李士元官知縣

呂延賞

劉自遠官訓導

寇勳

羅豸官同知

劉濬官教諭

李一新官訓導

許賢官通判

許賀官教諭

楊宗儒官訓導

武揚官訓導

陳琮官訓導

李日穉

許賢鄉飲大賓

趙京任官訓導

李發官教諭

王畿

譚公廉

陳璜

黨琬

傅應夢

石聲調官教諭

王印侯

王昌運宜教諭

陳錫周

張拱極

岳中衡

范濟世

李日照

李二蘭

李鳳友

陳瑀

本朝

王令順官同知

田之蘭

趙元會

黨以謙

劉景曜

張士英

石維翰副榜官通判

楊希震官訓導

趙元惺官訓導

李升盤

杜起鳳

蕭取篤

楊在廷

王珀

黨以讓見科名

徐輝

張文炳

張拱垣官訓導

張杼愧

謝廷謝

杜運經

李成梁

韓爾喆

李爲度

李來龍

梁天楷

李魁士

李謙亨

李珠

龔垂鼎

張惇

范翊宋

李登盤

宋文元

李漸盤

李毓岱

杜華官教諭

葉致菁官訓導

陳瓚候選國子監典簿

劉克寬

葉之鉉

韓鏢

韓鍾

曾其嚴

黨以詢

徐州儀

徐州仕

趙嶽

趙志煒

許爛

范士偉

劉邦祚

李沐派

李殿颺

李卓升

趙以旌

和維慧

石鎮幾

馬景運

劉廷揚

陳經緯

車從周

李勇略

李作禎

張爾誠

席嘏

李儀泌

梁復震

龔垂壁

李宗孟

張琮

李叙九

黨性

韓鐸

張玉鏞

王南宮

韋登南

張爾誠

呂訓謨

吳允科

葉琮

李儀煥

李士煥

胡紹張

周鳳翼

王熠南

李哲士

胡鍾奇

張一傑

劉璜

田德浩

趙峒

劉元傑

李叔夜

李鴻謀

廖懷邦

許無黨

陳元文

王麟祖

龔居謙

魏良翰

王乃楷

陳朱幹

監生

明

田熙

和而猷

趙崐

王爾肱

李祚臯

本朝

呂斗夢

許天叙

饒世濶 候選州同

劉景聰 候選縣丞

秦驥

秦驄

秦天魁

黨儔

房永隆 候選縣丞

馮瑛

馮璽

屠體恒

屠體仁

屠體振

屠體豫

和毓美

和維哲

王秉乾

張符天

曾述誠

徐明尹

徐鍼

王璿

李汝寅

張拱壁

朱嵩

陳孔彰

袁士晉

盧傳文

馬維均

謝惠

武進士

本朝

鄭論官涼州衛守備

武科舉

本朝

羅國璽官江南龍江衛守備

李宗沈

劉紹漢癸卯科

韓曜奇

羅人鐸

劉士譽己酉科解元

楊焜壬子科封武略將軍

宋之琦丁卯科

鄭論見進士

方台

薦辟

漢

鄧先景帝時以言軍事辟爲城陽中尉

明

黨琬

李均官知縣

本朝

秦天贊候選守備

封贈

明

黃藻舉人以子九成贈戶部郎中

石珩以孫聲諧贈參政

石子敏以子聲諧贈參政

李文錫以子寯贈文林郎知縣

田世封教諭以子起鳳贈御史

黨廷善以子傑贈文林郎知縣

黨中壽主事以子琬贈承德郎

謝晉賢以子宸封評事贈知府

李元德以子必達封文林郎知縣歷贈參政

張巨學以子嘉謨贈文林郎知縣

張嘉猷以子鳳翮贈御史

韓國忠以子梅贈通判

梁維翰以子衡封文林郎知縣

羅印以子國華封文林郎知縣

本朝

黨翊生員以子以讓贈庶吉士

李養德以子可喬贈知縣歷贈郎中

朱繼義以子永盛贈文林郎知縣

李上品以子翔贈文林郎知縣
屠自貴以子直歷封奉直大夫

恩廕

本朝

趙元明承父京仕廕官均州知州

僑寓

漢

張良字子房襄陵人先事韓及秦滅韓遂輔漢蹇秦
定天下封留侯曰願棄人間事從赤松子遊廼辟穀

於白雲山今名子房山

本朝

中官

本朝

李應睿掌膳太監

仙釋

唐公昉王莽居攝二年爲郡吏遇真人進以美瓜又從而禮貌之其人潛約背咎口賜以神藥曰飲此當移意萬里知鳥獸語時去家百餘里轉影卽至鄉人驚白府君府君學之無所進命吏收昉妻子昉告其師師以藥飲其妻子塗其屋柱須臾大風雲霧拔宅仙去

竇真人字子明少出家學道於斗山後仙去今山頂有奉真觀其遺址也

高菴師姓李氏遊天臺山之國清寺講授說法徒衆

飯依入傳燈錄

城固縣志卷之六終

城固縣志卷之七

署城固縣事西鄉縣知縣雲間王穆重修

賢達

補用直隸州知州署城固縣知縣江左徐德懷重刊

漢

鄧先邑人景帝時爲校尉擊吳楚還帝問七國聞誅
鼂錯兵罷否對曰七國反謀已久以誅錯爲名意不
在錯錯患諸侯強大不可制請削之以尊京師萬世
之利也計畫始行卒受大戮內杜忠臣之口外爲諸
侯報仇竊爲陛下不取也帝喟然曰吾亦悔之

張騫邑人漢武帝時持節使月氏通東南夸十三年始還封博望侯元狩元年遣博望侯張騫使西域復事西南夸張騫自月氏歸言西域諸國風俗大宛多善馬大夏邛竹杖大安息之屬皆大國多奇物誠得而以義屬之則廣地萬里重九譯致殊俗威德所至徧於四海天子忻然以騫言爲然復事西南夸

張猛騫之子也元帝初元三年爲光祿大夫給事中永光元年秋上酎祭宗廟出便門欲御樓船御史大夫薛廣德當乘輿免冠頓首曰宜從橋詔曰大夫冠

廣德曰陛下不聽臣臣自刎以血汙車輪陛下不得入廟矣上不悅猛進曰臣聞主聖臣直乘船危就橋安聖主不乘危御史大夫言可聽上曰曉人不當如是耶乃從橋永光四年猛爲大中大夫爲石顯誣譖令自殺於公車

唐

崔覲邑人節度使鄭餘慶辟爲叅佐後文宗召爲起居卽以疾辭老而無子以家贍族與妻遁跡南山

明

賈古昇邑人永樂癸未進士歷官都御史正直敢言
歸休後能興水利爲人所頌

劉勉邑人永樂間進士官庶吉士博極羣書多所發
明時稱宗匠

廉傑邑人嘉靖時舉人官沁州知州有善政子汝爲
己酉中式爲應州知州守正不阿掃除積弊應人德
之曾孫第萬曆庚戌進士令南漳歷卽署由郡守而
躋臬司年方強仕卽賦歸來閉戶著書心嚴義利崇
禎間撫按交章薦用惜以病終

方策邑人爲諸生以孝友聞嘉靖丁酉舉於鄉任靈丘有政聲致仕歸誦讀耕耨之外不屑問也

黃九成弱冠登進士授戶部主事陞員外監稅崇文門溢額盡汰後以郎中權蕪關以餘金克額者二萬兩陞臨清副使卽請歸壯年恬退人所難也

黨傑字子興隆慶丁卯舉於鄉令文安擢南京御史條議江防事宜時稱周備後以建儲直言見忤出守東昌遂掛冠歸神宗每言黨御史奏疏激切中多可採欲用之而傑死撫臣萬壁爲之建帝念忠直坊昭

遺德也子中疇萬曆庚戌進士令交河爲民興利除
害考滿假歸歲饑爲食賑濟活者不勝計俄染疫卒
邑人立碑以紀其事惜其命焉

李必達萬曆甲午舉人精于奇門遁甲之學官遵義
副使天啟間奢賊陷重慶達時謫臬司幕下能畫謀
決勝隨遷監軍出奇計賊平陞副使達在蜀十餘年
殘孽不敢復逞後罷職蜀人感慕立祠爲之尸祝

石可礪萬曆乙卯舉人爲寶豐令時寶豐有舉人牛
金星居鄉肆虐又以族妹爲妾被訐礪執法不移金

星去投李賊數年賊陷西安爲僞平章賊有媚星者
縛礪獻之備受慘毒不屈遂殺之於紅芝驛

張鳳翽天啟乙丑進士擢御史巡按雲南衡文江左
因論事遷浙臬尋陞江西巡撫少而力學爲人個儻
不羈嘗曰功不先梓里何以及天下故得志後開城
東之新堰築南樂之義堡議及丁隨糧行祛民貲累
公之力也惜遭李賊之變執之脅其仕不從因而遇
害

本朝

趙京仕明天啟壬戌進士爲洪河令擢工科給事中
後以事遷謫歷轉通政司左叅議明亡爲

國朝錄用歷陞戶部侍郎總督倉場加少保年七十餘
卒於家

黨以讓順治乙未進士授庶常歷侍講戊戌禮闈校
士辛丑主考武場通籍八年卒於京邸遺素止有三
金交知爲之備歛有果菴集行世

王納策邑諸生文場已雋而斥者再遂隱居不復應
試著有蕉鹿園集

杜騰鳳專於理學以明體達用爲主從之者循循善誘後進宗之

節孝第九

明

吳仕夏邑諸生性最孝父病嘗其糞母亡寢處不離於父三年茹素未嘗忘親也

張景誠父有瘡患罄家以求醫親爲吮之不治躡踊哀痛幾於滅性如是者三年

劉恩幼喪父孝事母母沒廬墓三年哀毀骨立嘉靖

四十三年縣令楊永茂表其間曰篤孝

岳中衡爲賊所執呵之跪不屈令斬之衡曰我得其死矣復誘之官衡曰我已成貢士猶不仕乃受爾李賊官耶遂死於亂亦

葉孕秀母蕭氏年八十餘齋心奉釋氏教秀與弟孕
我食則必待病則必禱後以母老棄去汝州經歷之
職而歸明末巨寇焚掠秀與我捐貲築堡招集流亡
全活甚衆邑令具文申上表其地曰仁里

本朝

張拱極孝子也母病侍湯藥三年不解衣帶晨昏祝
天願以身代母病愈爲朝邑訓導一載以憂歸遂不
復仕年九十一卒所著有瓦釜集歸隱錄藏於家
梁天植明末父衡爲逆賊所執家人皆竄伏植追隨
險難不忍離旣而乘間脫去入山谷日負其父行數
十里卒未罹害後爲順治乙酉舉人

趙元惺京仕仲子也李逆亂一門被執母楊氏年已
六十賊索餉加以炮烙惺哀號擁抱乞以身代賊令
牽出將殺之惺引頸就戮無懼色賊義之曰此孝子

也與母俱釋

夏錫攸六舖街民也孝事母傭身以供菽水母病攸奉湯藥廢寢食日久默禱願以身代母死醫來治藥攸暗割股入藥以進越兩日母病愈股肉亦如常母終不知其割股也其發乎天性者與人有獨至矣望仙營李氏汝寧別駕元芳之裔也芳性寬和治家以孝弟爲先今傳三世男婦臧獲千餘指克遵義訓合爨同居孰謂今日無張公藝者乎

方振寰邑之孝廉也與弟諸生耀寰素友愛刻不忍

離家人或議析居者振耀相抱而泣自是不復言耀妻張氏中丞鳳翮女凡飲饌衣服必先夫之兄嫂而後御此又爲人婦之所難也

節烈

明

劉貢生湯銘妻十九歲夫亡子文秀甫一歲姑以青年勸其他適氏曰願以未亡之身爲夫衍此宗嗣孀居六十三年而歿享年八十有二

方氏適生員社臣年二十三臣亡氏痛哭毗盡裂撫

二子曰汝父死我不當生汝等在我又不當死忍痛存孤後子元吉爲學博元功遊泮氏七十九歲而終邑令楊守正題其門曰一生孀節苦千載母儀香

趙氏諸生夏文炳妻也年二十七炳亡甘貧撫孤俱得成立孫雲爲諸生守節二十七載而死

夏氏邑民王善繼妻二十五歲而夫亡有勸氏再嫁者氏曰從一而終義也教子成立孀居五十一載

王氏里人王仲才妻也夫死氏方二十六歲遺孤得名甫七月耳氏撫而教之及長能以孝聞於鄉氏守

節五十七載節孝出於一門不易得也

周氏諸生張嘉猷妻也年二十二猷故氏依夫之叔
父母撫孤足不出戶者幾四十年教子鳳翮成進士
官中丞崇禎間奉旨建坊題爲完節

岳氏年十六許諸生王棐子寇入其家欲辱之不從
賊怒三斷其身

張氏庠生李爲範妻二十二夫死親黨憫其少勸再
適氏不應入室暗自服毒出語人曰我從此辭矣言
訖毒發而死邑令梁州傑以矢志從一旌之

岳氏貢生中衡女也年十八未字逆寇入漢攻城急
衡語家人曰城破我不偷生若等宜自爲計女厲聲
曰孝經列女傳庭訓久矣父不惜死兒敢偷生遂以
刀自刎後賊至衡立而罵之被殺

李氏邑諸生李芳苑之妹也適張拱壽年十八高傑
寇亂避於谷口與寇遇豪首欲奪之氏罵不從賊怒
碎其身死

本朝

黨氏邑諸生王鉉妻也年十九鉉故時有利其再嫁

者誓死不從兄琬憐其志爲之築室計用請大歸於
黨而成其節

鄔氏適庠彥段陞陞亡氏年二十子袞方三歲守節
安貧教子成立卒年七十

趙氏杜完妻年二十餘夫死子毓鳳方三歲舅氏欲
迎歸而再嫁之氏嚼指拒之曰我不死者爲杜氏孤
耳遂與絕往來後鳳列諸生子婦又相繼而亡孫棠
未彌月復育之成立爲諸生氏年九十卒

胡氏庠生杜運緯之妻也年十七夫死無子撫伯氏

彌月子長書爲嗣迨長書入泮忽語家人曰我事已了當從夫於地下矣無疾而逝年三十有七

黨氏許無愆妻夫亡欲死者再念子瑄方七歲強存身以撫育內睦親族外禦強侮卒保子瑄成順治己亥科進士年八十一終

李氏萊陽令梁衡妻也年十七隨夫任萊陽值寇至能左右衡守禦萊得保全後歸里夫亡兵荒迭起拮据撫育其子復震爲弟子員享年七十

張氏鄭啟泰妻夫亡欲以身殉家人防甚密至虞祭

遂自刎

張氏黃鐘妻夫歿哀痛不已自刎死

黨氏王爾麟妻年十九而寡吳逆僞將欲娶不從將劫之氏沐浴紉裳再拜夫柩前從容自縊

閻氏廣文張士英妾也鄜州歸遇寇家人俱被擄氏義不受辱投崖死

戴氏李沐潤妾也隨夫入蜀夫死哀痛欲絕扶襯歸泣拜畢以腰經自縊死

饒氏適劉振祚年二十二吳逆兵至人驚避氏與夫

相失疑夫死抱嬰兒投水死

廉氏生員黨瑤妻年二十夫死孤兒以諗甫五月氏痛夫自經者再僕婦勸之曰主死是呱呱者將誰寄氏感動不死勤儉自持教子成立守節五十餘載而終

張氏中丞鳳翮女適諸生譚明義年二十二而夫亡上有衰年之姑下遺孀生二歲子體質體實氏以一身克盡孝慈二子相繼爲孝廉年登耄耋潘輿迎養可謂榮節矣

陳氏里民李應麟妻年二十夫死仰事俯育一身肩
之後翁姑歿世子亦繼亡又撫其孫爲弟子員年幾
百歲而終

呂氏諸生韓之荆妻荆遊學不歸氏經歷兵燹事姑
孝律身嚴教其子詩莪成名治家勤儉日趨克裕女
中之傑也

王氏里人周基昌妻年二十生子志道一歲耳夫死
於難歸依兄嫂守志卒教其子列於庠

王氏里民王懋功女也年十二許字同里蔡起麟閨

數載氏母卒父憐其失恃謀遣嫁女以母服未闋止之甫三年起麟縊死氏欲奔喪父不許將圖改適也一日乘父他出給鄰家童子導之往蔡遂畱事舅姑不復歸事聞何令給志存節孝匾旌之時氏年二十一歲

陳氏七星寺里民黎廷鐸妻年三十五歲戊戌年姑邢氏遭危疾延醫不治氏割股作羹以進姑病忽愈時代篆西鄉令王穆旌其廬曰割股孝婦蓋以勸世之爲人媳而并以愧世之爲人子者

秦氏庠生鄭以德妻年二十二夫亡堅志守節孝養其舅送終以禮教二子皆成名覺序年近古稀一生苦節當表而出之

王氏明扶溝令許無竒繼室崇禎末城陷氏遍體衣皆針紕欲自經賊至將執氏罵不絕口死於亂刃

鄭氏民許無息妻年二十八夫亡矢志栢舟撫子璿列庠孀居四十餘年壽七十三卒青年失偶白首完貞允宜入志

王氏庠生朱色炳妻年二十九而夫亡哀痛幾絕欲

以身殉因念孤兒紹文甫五歲家貧無依忍死携子
往母家守節紡織自給和丸教子紹文中康熙辛卯
科舉人壺範可嘉足以風世允宜表彰以待旌獎
馬氏年十九適諸生許琪躬親紡織以資膏火課子
遊泮氏力多焉子三長天魁乙酉甲午兩科房薦未
售娶丙子舉人段士英女克修婦道姑媳甚相德二
十年如一日後媳疾氏爲治湯藥衣不辭帶者五越
月媳竟不起氏日夜悲慟寢食俱廢不數月亦卒暗
者皆歔歔嘆息謂姑固賢亦見媳之孝焉

党氏庠生趙懋才之妻夫亡守志氏母憐其幼而無子勸氏改適氏栢舟自矢撫養親姪趙賜承祧上事翁姑以孝稱教子列庠婦道無慚允宜入志

張氏庠生許天牧妻年二十二夫亡苦志守節飲荼茹苦教子錦入庠今年六十有三錦奉養無缺

王氏庠生張國帽妻年二十四而夫亡撫孤守節事舅姑以孝聞於鄉家貧紡織課二子讀書均得成名入泮婦儀不媿允堪入志

劉氏庠生何繩祖妻青鸞甫合鴻鵠隨悲矢志松筠

撫孤兒而勤勞是訓盟心金石奉孀姑而色養母違
子維祺名列府庠又復克孝高堂共慕完貞允宜入
志以表揚之

劉氏年二十二其夫庠生趙嵩病故止生一女氏父
曰與其慷慨以死節何若從容而就義乃立兄峒子
志燮爲嗣亦生有子是使宗祧不絕者氏力多焉今
年六十有三

王氏孝廉朱紹文之母堅貞立志淑慧持躬年未三
旬賦栢舟以自誓身嘗百瘁處窮困而彌堅紉績事

翁姑媳能代子拮据供燈火母可兼師以故天憐苦節子登鄉薦允堪入志以揚壽懿

節孝補遺

許無疆大賓贊中子也崇禎末年值闖亂冒白刃以救父母生事死葬咸如禮家毀於兵產盡讓昆弟遨遊四方幾遍天下所交多名士每朔望持齋茹素跪誦大士號千聲妻王氏齊眉壽臻耄耋前任甘公贈耆英繼美匾額一堂四世長子瑗登丙子賢書孫天魁天挺並列膠庠曾孫鏊甫弱齡卽見賞於鄂大

中丞中丞公巡歷興安道經城固整率家童跪迎道旁公見而奇之賞賚有加人咸謂孝友所致急宜入志以待旌獎